


II CİKANKAMANISYO

 Inga mwa kkala. Nda kali kulindila kwa ciindi cilamfu kujokela kutala okuno ku Phoenix. Ndili kkomene ncobeni masikati aya kuba okuno. Cindi Nda nooli ku Phoenix, kuli cintucimwi kujatikizya nkuko, lyoonse cindi bamba kulimvwa kuti Ndi kkede akati ka bantu abo bali mbeenzuma, abo ba ndiyanda. Elyo—elyo mbasilumamba balemu bamipailo bazwa okuno ku ndikombela, kwa myaka. Nda yeeya lyoonse muswaangano mutaanzi Ngwe kajisi antoomwe a Mukwesu Outlaw, Mukwesu Garcia, a bakutausi okuno mu dolopo. Obo Mwami mbwa kalongezya cindi Ne kacili buyo mu bukubusyi bwa miswaangano yangu! Kuzwida eelyo, Phoenix yaka jata kapati. . . Cintucimwi cili mu moyo wangu, eco ciyumu kupandulula.

2 Mbuli musankwa muniini, Nda kali kuyandisya kusika ku Phoenix lyoonse. Nda kali kubala kujatikizya lukula lyoonse. Nda kajisi tuyabilo tuniini oto Ntwe kapanga kujatikizya nkuko, cindi Ne kacili buyo musankwa muniini, kujatikizya Arizona.

3 Ndili boteledwe loko kuba ii—ii munyinzi lino. Nda yeeyela Ndi tandila buyo mwaka omwe wakukomena, alimwi ndiza kwiindilila aniini. Pele tamu jani banji loko kukomena maningi kwiinda waawo. Bantubonse Mbe bbutukizya, Nda amba, “Sa uli munyinzi?”

“Ee, mbuli mbo kubede. Nda kali okuno kwa ciindi cilamfu.”

4 Elyo—elyo Ndi yeeyela kuti Nde elede kuba kutala ku masena abanyinzi ku Apache, na kubusena bumwi, kuyo jana munyinzi wini.

5 Elyo muntu umwi wakati, kutali ciindi cilamfu cainda, wakati, “Mukwesu Branham, mbobuti mbo yandisya Arizona?”

6 Nda kati, “Ee, kwakali kumwi kwa bulangizi bwangu bupati bwaciindi cabuumi, ku—ku pona mu Arizona, alimwi Leza waka ndipa oko.”

7 Tuli okuno mukulibambila buyo muswaangano mupati wa Bantu Basimakwebo, eco cakaba cintu ca mwaka aumwi kuli ndime. Elyo masikati aya, mbuli mbo twa bungana okuno ku kuswaangana kwakulinda kakutanaba muswaangano mupati oyo utalika masiku Bwane, Nda syoma. Cakali coolwe cangu, ku myaka misyoonto yakainda—yakainda, kusika a kuba a miswaangano eyi misyoonto kubusena, miswaangano ini kiitana talika ku i. . . na muswaangano mupati, mubwini, watalika.

8 Elyo Mukwesu Williams mweenzuma maningi, walo a Mucizi Williams. Ndi jisi busena bwa bulongwe ncobeni mu moyo

wangu ku bantu abo. Bala zumanana kunditamba kujoka, elyo tuli kkomene loko kuzulizya kutambwa oko masikati aya.

⁹ Akwalo aa cibumbili, Mukwesu Fuller, Mukwesu Jewel Rose, a Mukwesu Tony Stromei kuzwaku Tucson, a Mukwesu Borders mweendelezi wesu wa miswaangano yanguzu. Elyo ii—ii mukwesu mudaala muyandisi mubotu, Arganbright, twa kali antoomwe mu nkondo zinji ziyumu. Ku lubazu lumbi lwa mulonga; Ndila ngila kuyo kkala a nguwe ku lubazu lumbi lwa mulonga mupati buzubabumwi.

¹⁰ Nda luba zina lya mukwesu, Nda soleka. Nduweni zina lyako, mukwesu? [Ii mukwesu waamba, “Al Booher.”—Mul.] Booher, Mukwesu Booher. Ndi—Ndi lizi busyu bwakwe. Elyo sena toli umwi awalo uupandulula ciindicimwi kuli i... [“Upandulwida basinkematwi.”] basinkematwi. Nkokuti . . .

Elyo tuli kkomene loko kuba a ndinywe nyoonse okuno.

¹¹ Ndali kulanga buyo awa kumbele lyangu, nkabela Nda bona beenzuma bangu bamwi bazwa lweendo loonse ku Arkansas, awa. Cindi ni Nda kali okuno ciindi citaanzi, Nda ka mwaambila kuti koonse Nkwe inka, Ndi jana muntuumwi kuzwaku Arkansas. Ndili masimpe, ikuti na Nda sola kuyaku Julu, Ndiyo jana bamwi akuya kuzwaku Arkansas, nkaambo bakali kusyomeka ncobeni, bantu basyomesi.

¹² Elyo lino, kanji Ndi kanana kwaciindi cilamfu, pele Nda kasola mbuli mbwe konzya kubaanga kubamba Magwalo angu a bulembo kutegwa inga tee Nda kanana kwaciindi cilamfu. Elyo Ndi yanda kukombela balwazi kuciindi Neli mu Phoenix.

¹³ Lino, Mulumbe kuti Ndi . . . Mwami wa ndipa, nziindi zimwi, nywebo mulizi, zintu ezi zinyonganya maningi. Elyo cakali mu nzila eyo mu bukkalo abumwi. Elyo Nda kasola mbwe konzya kukkala a Nguwo. Calo ncintucimwi. Elyo Ikuti na ta Ndi kanani cintu eco Leza ncaka ndaambila, alimwi ikuti na cakali—tee cakali ca Leza, mpawo Walo . . . inga tee caba mu Ijwi. Pele ikuti na cili mu Ijwi, a cisyomezyo ca oora eli, mpawo Ndi limvwa kuti Ndi cita ceeco ciluleme, nkaambo Ndi soleka biyo kubamba eco Nca kasyomezya ku oora eli.

¹⁴ Elyo ziindi zinji cindi wakazy muntu mu lwiiyo lwabo lwabukombi, bala leka kumvwana a nduwe, cakufwambaana loko. Pele eco ta ceelede kuba. Nda sola ku...Nda jana beenzuma bangu abo ba mabungano oonse aindene atubungwe, amwi aambi, Nse na leka kumvwana a bakwesu. Ma, Nda unka ku mabungano abo, koonse nko bandi lekela kusika, a kukanana. Pele ta tweelede kuleka kumvwana, ku mizeezo misyoonto.

¹⁵ Pele, nywebo mulizi, ikuti na Nda kaamba cintu cili coonse ciindene aceeco cili mu moyo wangu, inga Nda ba sikuupaupa. Elyo Ndi—Ndi . . . Nkule maningi! Inga ndeelela kuyo Mu swaana buzubabumwi, mbuli sizibi, pele Nse yandi ncobeni kuyo Mu

swaana mbuli sikuupaupa. Pele Ndi yanda kuba wa bwini. Elyo ikuti na Nda kaamba buyo, “Ee, Ndiyo sotoka buyo Eci nkambo bamwi babo bala syoma *eci, eco,*” mpawo ino musyobonzi wa muntu? Inga tee mwakonzya kuba a kaanzambwene muli ndime, alimwi inga Nse ba a kaanzambwene muli Leza na muli lwangu, cindi Ndali mvwanya buyo cabuteteete.

¹⁶ Uli oonse weelede kuba a cintucimwi eco ncali masimpe ancico. Elyo nce cindi nokonzya kutonkomeka lusyomo lwako, ncindi wanooli masimpe. Pele kusikila waba masimpe, ikuti na kuli mubuzyo, kocisiya cilikke kusikila ukabe masimpe.

¹⁷ Lino Billy antela wavozya makkaadi amwi amipailo, eco Nce yeeya wa . . . Inzya, Nda mwaambila kucita. Elyo Nda syoma wa ndaambila, kaindi kaniini kainda, kuteeti wa cita. Kubusena bumwi antoomwe okuya, Ndiyo ita masyonto ku mundando wa mipailo, kwainda kaindi, kuti bakombelwe. Elyo ikuti na kkaadi lyako tee lyaitwa . . . Ikuti—ikuti na lyaitwa, mubwini, nkabela toli masimpe kuti Leza musilisi alimwi kuti Uyo kuponya, inga tii cagwasya kuboola okuno, nkaambo toko ponesegwa. Yebo, ikuti na kuli mubuzyo umwi, yebo wati, “Ee, lino, ikuti na kuli cintucimwi mu buumi bwangu, Nde elede kululamika ceeci ncobeni,” koya kalulamike eco, kusaanguna, elyo mpawo kujokela ku mundando wa mipailo, wabona.

¹⁸ Nkaambo, kuponesegwa ncinkwa ca bana. Tula mvwisya eco. Kuli mu mulungo wazibi, alimwi mulungo wazibi mutaanzi wakali kujatikizya buntu bwesu. Elyo kuponesegwa lyoonse kusololela mulumbe aumwi, alimwi akwalo yakali nzila ya kubunganya bantu antoomwe. Elyo kuli ii . . .

¹⁹ Bantu banji bayo gwasilizya muswaangano wa kuponya, banji bayo boola ku muswaangano wa kuponesegwa, na ku cisobano ca nyimbo, pele caboola ku buntu busweekede butakweankobuya ku futulwa, takukwe bantu banji bayandisya muli kooko. Ba buyo . . . Pele eco nce cintu cipati. Kuponesegwa kwa Buleza a zisobano zya nyimbo, a zimwi zimbi, nzya buyo . . . Mbuli Mukwesu Bosworth mbwa kali kunga waamba, “Ngu namola ku kalobo.” Elyo mutondezya namola ku nswi, kutali kalobo.

²⁰ Elyo nce cintu buyo, kubamba bantu kuswiilila kwakaindi, mane wa konzya ncobeni kupa kuli mbabo mulumbe wako. Leza wakacita eco mu bukkalo abumwi, kwiinda mu bukkalo abumwi, oko lyoonse kwakali kuba muswaangano wanguzu wa kuponesegwa. Elyo ikuti na muswaangano wini wanguzu wa kuponesegwa, kunze lya muswaangano oyo wanguzu, lyoonse, kuli mulumbe. Kwiina citondezyo cipegwa buyo kuba citondezyo; cisololela mulumbe.

²¹ Elyo Nda syoma cintu nciconya ngu, myaka ili kkumi aciloba yainda, na myaka ili kkumi alusele lino, cakuti Mwami waka ndituma kumasena kutalika ku kombela balwazi. Kwakapanga

lubukulusyo lupati akati ka bantu. Balanda balemu banji iba Leza baka njila mu miswaangano yanguzu ya kuponesegwa, alimwi, pele muswaangano wanguzu iwa kuponesegwa, muli lwawo, ikuti na kocikkede mu bweende mbubonya bwakaindi obo mbo wakabede lyoonse, kuli cintucimwi cilubide, kuti muswaangano wanguzu iwa kuponesegwa tii wakatumwa kuzwa kuli Leza. Kweelede kukwelelezya kuswiilizya kusaanguna, mwabona, kujata kuswiilizya, elyo mpawo kuli mulumbe.

²² Jesu, cindi Na kayutuka, kuponya balwazi, a zimwi zimbi, Wa kali Musinsimi mupati kuli boonse babo. Pele cindi Na katalika kubaambila Bwini, bwa Makani mabotu, Obo Mbwa kabede a ceeco Nca kabolela, mpawo Wa kali—Wa kali uutakwe mpuwo kwiinde boobo. Elyo nje nzila lyoonse mbo cakabede mu bukkalo abumwi, alimwi ciyo zumanana munzila eyo.

²³ Lino tuli wano masakati aya, elyo mpawo juunza masika mu buyake obu bupati. Koonse kuli aa seveni okuloko. Sa mbo mbubo, mukwesu? [Ii mukwesu wamba, “Seveni theeti.”—Mul.] Seveni theeti, juunza masakati, na mangolezya, alimwi mpawo Bwabili mangolezya. Elyo Ndi yeeya kuti Bwatatu mangolezya, akwalo. [“Peepe, ku Ramada Inn, Bwatatu.”] Ku Ramada Inn, Bwatatu. Elyo mpawo Bwane, mbo mbubo, kutalika i—i muswaangano wabaiminzi. Elyo kuti na Mwami wayanda, Ndi yanda kuba kookuno muli yoonse ya nguwo.

²⁴ Ndili okuno, munyoko, mugwasyi mu Bwami bwa Leza, ku mugwasya ku cintu cili coonse Nce konzya. Kwiingula mubuzyo wanu, inga Nse konzya kucicita. Pele, cakukomba, inga antela twa mvwisya ikuti na twa cikombela a kuya kuli Leza kujatikizya nguwo, a kuta bamba mizeezo yesu ini.

²⁵ Ikuti na uli mulwazi, Nda lombozya ni Ndali kukonzya kukuponya, pele taakwe muntu ukonzya kucita ceeco. Ca kacitwa kale. Kuponesegwa kulede muli nduwe. Lwalo ndusyomo lwako mu mulimo wakamana oyo Leza ngwa kacita aa Kalivari, a Jesu Kristo. Elyo kunze lya boobo, kwiina kuponesegwa; alimwi kunze lya boobo, kwiina lufutuko; kwiina mbungano, kwiina kabungwe, kwiina kalengwa, taakwe cibweza lufutuko. Jesu Kristo, “Wa ka yaswa nkambo ka nsotoko zyesu, a mibunda Yakwe twa ka ponesegwa. Wa ka yaswa nkambo ka nsotoko zyesu, insotoko,” amu ndijatile, “ku mibunda Yakwe twa ka,” koonse kwaamba cakainda, “twa ka ponesegwa.” Lino, aali ceeco!

²⁶ Nse jisi pele ziindi zisyoonto zya kukanana, masakati aya, kuli ndinywe, antela maminiti ali makumi obile, makumi ali otatwe, elyo mpawo tuyo langanya mundando wa mipailo. Buzuba abumwi, mbuli lyonse, bantu bapya bala bako, aboobo kuyooaba makkaadi mapya aa mipailo avozegwa. Pele tuyo cita koonse oko kuli mu nguzu zyesu, koonse oko Leza nkwayo tu

zumizya kucita, ku kombela mulwazi aumwi oyo uboola, oyo uyanda ku kombelwa.

²⁷ Ikuti na kuli cintu cili boobu mbuli muntu waboola kubako andeke, ulimukufwa, cibukilambuta na cintucimwi, baa, inga wabona Mukwesu Williams, Billy Paul, na bamwi babo kuti babanjizye mu kaanda, kuti taba yandi ku... Taba konzyi kukkala, bali mukufwa, beelede kukutaukilwa ndyoonya lino, ee, muba bikke mu kaanda kutegwa Nda konzya kusika kuli mbabo cakubinda.

²⁸ Pele ncibotu maningi, ikuti uli mu ciimo eco ca cibukilambuta, kuti uyo—kuti uyo bweza buyo tunsiyansiya twako alimwi—alimwi a buzumini bwako, a kuzibikka buyo ambali kwa maminiti masyoonto, kwaciindi buyo cikubwene kuli ceeco Lugwalo nco lwaamba, elyo mpawo eco Leza nca cita kujatikizya Nca kasyomezya. Elyo eco ciyo yaka lusyomo. Elyo toko yandika kuba mu mundando wa mipailo, na umwi ku kukumbela. Yebo waponesegeka kale, ikuti na wakonzya buyo kucisyoma. Mwabona? Elyo ayo makanze ancico, nku kulekela, nku njizya kuziba, kuli nduwe, eco Jesu nca kakucitila.

²⁹ Ta ciyandikani kuboola kokuno a kufugama, a kukomba kwa kuzwidilila, kusikila wa—kusikila wafutulwa. Wa kafutulwa kale, pele weelede ku kutambula. Kupaila kwako taku kuciti pe. Lusyomo lwako nko nkuko nkofutulwa, kutali ku mupailo. Pele, “Ku lusyomo mula futulwa.” Cintu nciconya ku kuponesegwa. Ndili masimpe toonse tula mvwisya eco.

³⁰ Elyo ikuti na kuli beenzu mu milyango yesu, tu yanda kuti muzibe ceeco, mbuli kuli ndime, na nkamu eyi eyo Njeli ayalo ano, Bantu Bamakwebo Bamakanimabotu Aazwide, ta twiiminini kabungwe na kabunga kamwi. Twi iminina biyo basyomi Banakristo mu tubungwe toonse. Bantubonse bali tambwidwe. Tuli botedwe buyo kuba andinywe. Yebo wati, “Ee, Ndi zulilwa ku mbungano imwi, sa inga Nda kombelwa?” To elede akwalo kuzulilwa ku mbungano, toelede kucita cintu pele kuboola atala awa a kusyoma Leza. Nku koonse nkoelede kucita. Leza ulacita zimwi zyaco.

³¹ Lino, Ndili—Ndili... kazakazya Bbaibbele lyomwe, kuzwida Ne katalika miswaangano yanguzu iya kuponesegwa, na kukumbela balwazi, mubwini. Ku Houston, Texas, nda kapegwa Bbaibbele, myaka yainda, myaka imwi iili kkumi alusele yainda, kwiinda ku Mukwesu Kidson a nkamu yakwe. Elyo Nda kali zakazya Bbaibbele eelyo, oku akooku, ku nyika yoonse, kusikila lyaka zakala ncobeni cakumaninina, mapeegi akazwa kuli ndilyo.

³² Nda kazwaa kupegwa Bbaibbele lipya. Elyo ncintu ceenzu... Nseli simalweza; Nda syoma nywebo no bantu tamu ndiyeeyeli kuba simalweza. Cindi Bbaibbele eli nilyakapegwa

kuli ndime, ba kajisi tuniini...tuzibyo tobilo tuniini muli ndilyo, turibboni tuniini. Ndi Bbaibbele mbuli Ndye kajisi.

³³ Mukwesu Kidson waka ndipa limwi lyakali Bbaibbele lya Scofield, lino, kutali kuti nkaambo Nda zuminana a Ba. Scofield mu bulembo bwabo. Lino, antela bamwi banu mula cita, bamwi banu tamu citi, pele Nda muzibya buyo kuti Nse bwezi buyo Bbaibbele lya Scofield nkaambo Nda syoma obo. Nkaambo, wa kalibikka mu maparagirafu maningi kuzwa Ndi...Eelyo lyakali limwi lya Mabbaiibbele angu taanzi, elyo Nda kazwaa kuliiya kulibala mbuli boobo. Elyo Ndi bamba buyo Bbaibbele ndilyonya. Lyalo, ikuti na inga Ne kajisi Thompson Chain, nicali cibotu maningi. Nda konzya kujana cibalo cangu kufwambaana loko kuli Zitondekwa zya Thompson Chain.

³⁴ Pele cindi Nda jula Bbaibbele, karibboni kaniini kataanzi mu Bbaibbele cakali cintu ceenzu, awo mpo cakabede. Cakali cindi Solomoni naka tuula tempele lya Leza, alimwi Bulemu bwa Leza bwakali bupati maningi, bulemu bwa Shekina mu buyake, mane bapaizi ba kakacilwa akwalo kukutauka.

³⁵ Elyo mpawo katambo katobela kakabikkidwe awo Ezra mpa kajokela a kutuula tempele.

³⁶ Elyo kazibyo kaniini katatu, oyo wakali mukaintu wangu waka ndijanina a kubikka mu Bbaibbele, kakutakwe kuziba, a zina lyangu ali ndilyo, a zimwi zimbi, kakali bikkidwe kuli Marko 11:22. Waa kakanamatika buyo mu Bbaibbele, nkabela mpo kakabede, kuti, “Ikuti na waamba ku dundu eli, ‘ko zyuka.’” Elyo nyoonse mulizi cindi Lugwalo olo nelwakali mu muzeezo wangu, no bantu ba mateepu, eco nce cindi basikaale niba kabako ncobeni, mu i—i... Obo mbombubo.

³⁷ Elyo mpawo cintu ceenzu ca ncico cakali, kayuni kangu nkeyandisya, robini, cifoto cakali a kazibyo, kayuni kaniini kajisi kaango kasubila. Mbuli kaano kabuyo kakale mbo keenda, kuti ciindi cimwi kakali kayuni kasalaluka; pele kwakali Muntu wakali kufwa, buzuba bumwi, aa ciingano, nkabela ka kafwida luse Muntu kusikila kakauluka mukati kusola kusomona mpikili mwini, elyo wa kazula Bulowa ku kaango kakwe koonse, nkabela kuzwida eelyo ujisi kaango kasubila. Eyo nje nzila Nje—Nje yanda kuyo swaana Mufutuli wangu, ambebo, antoomwe a Bulowa Bwakwe aa kangu...mu kaango kangu, aa moyo wangu.

³⁸ Elyo mpawo muswaangano wangu mutaanzi, Mulumbe Ngwe elede kukambauka omuno, nku Phoenix, Arizona. *Phoenix* ncintucimwi cikonzya kuyakwa aatakwe. Nce ncico Leza ncacita. Ula bweza aatakwe, ulabusya cintucimwi kuzwa kuli ncico.

³⁹ Elyo Mulumbe wangu masikati aya, ngwa bubande, ku maminiti atobela ali makumi otatwe na makumi one,

“cikankamanisyo.” Elyo Ndi yanda kubala kuzwa ku Lugwalo kuti . . .

⁴⁰ Myaka misyoonto yainda, kuti, Ndi yanda kubweza Bbaibbele, a kukulekela kundi tambika Bbaibbele, cindi Ne katalika mulimo wangu; elyo mwaka bweza buyo Bbaibbele lyanu, alimwi bunji bwanu mwaka ndibona kucicita, kuli jatilila buyo kali jukide mbuli *boobo*, a kwaamba, “Mwami, uli kuli Mulumbe wangu?” Lya kajuka kuli Joshua, cipati 1, kufumbwa Bbaibbele ndo munga mwa nditambika.

⁴¹ Kusikila busiku bumwi cilengaano cakasika, kwalo muli zibilide, elyo Nda kabona kuti Bbaibbele lyaka seluka kuzwa ku Julu, a janza kali jisi kkola ku kuboko lya shaati, mbuli *boobu* kaselukila ku tumpango tutaanzi tuli fuka twa Joshua.

⁴² Nko nkuko Nkwe bala, masikati aya, ku kubala kwangu, na kubala kwangu kwa Lugwalo. Cibalo cangu cijanwa mu kampango ka 10 alimwi i—i . . . Nda amba cipati 10 a kampango ka 12.

⁴³ Katutana kujula Bbaibbele, atu kotamike mitwe yesu kwa kaindi kaniini. Lino a mitwe yesu a myoyo yesu kiikoteme, atu yeeye ceeci. Tu talekeli buyo oyu muswaangano kuba mbuli walyoonse; tu jisi ciindi eco coonse. Pele atu kumbile Leza, umwi aumwi wesu, kuli oyu kuba uugambya, cakuti Busyu bwa Leza buyooba a ndiswe cakuzumanana moonse mu muswaangano.

⁴⁴ Taata Wakujulu, tuli lumbide ku coolwe eci cipati a cilemu kuba okuno mu Phoenix masikati aya, katubungene mu buyake obu bupati loko okuno, akati ka bantu aba. Elyo lino tutandila buyo kulanganya Ijwi. “Elyo Ijwi lyakaba mu mubili wabuntu a kukkala akati kesu.” Elyo akube kuti cibe alubo, Mwami, kuti Ijwi liyooba mu mubili wabuntu, Liyo kunka kwiinda mu mbungano Yako a bantu Bako, ku kuzulizya zisyomezyo zya oora.

⁴⁵ Mbuli mbo tumvwisya kuti tuli—tulimukujala ciindi, ciindi ciya bumana. Ciyo sangana mukati antoomwe a Butamani. Elyo tuli ku Nkomwe ya Kumbo. Elyo mbuli lusumpuko mbo lweenda, Kujwe kuya Kumbo, mbubonya Makani mabotu aenda a ndulo. Elyo lino kwiina busena bwa kuunka pele kupilukila Kujwe alubo. Ama nizigwa.

⁴⁶ Elyo twa komba, Taata Wakujulu, kuti eli liyooba oora pati kuli toonse swebo, kuti tukonzye kutweluka Busyu bwa Muuya Uusalala, Mulembi wa Ijwi eeli, kupilukila mu buyake bwa cilao ca mubili; kuli yubulula Mwini kuli ndiswe, mu kujatila zibi zyesu, kulekelela milandu yesu, antoomwe a kaanzambwene kakuti Ta keelelezyi cibi ku musyomi, antoomwe a kaanzambwene ako. Elyo akwalo kuti Uyo ponya kulengauka kwesu, a kubweza i—i bantu kuzwa ku mawiluceya akuzwa ku mifunko yakweenzya; a kubapa kukubona, balo abo boofu; alimwi—alimwi kuyungizigwa kwa mazuba, abaabo bali

mukufwa ku malwazi ayoosya mbuli kkulenge a kakweekwe, kasumpukide, a malwazi ayo basilisi besu nge batakonzyi kulesya. Cila indilila kuli ceeco, pele, Leza, Yebo ulaunka kwiindilila kubbutukizya koonse kwasayaansi. Yebo ulaunka kwiindilila kubuzya buzya koonse. Kopa ku balanda Bako, masikati aya, ku kanana a kumvwa kwa Ijwi Lyako, aa ciiyo: *I Cikankamanisyo*. Nkambo twa cilomba mu Zina lya Jesu. Ameni.

⁴⁷ Lino mu Bbaibbele, Joshua cipati 1, a Joshua cipati 10. I cipati 1 a kampango 1.

Lino nikwakainda lufu lwa Musa mulanda wa MWAMI caka boola kucitika, kuti MWAMI waakanana kuli Joshua mwana wa Nuni, mukutausi wa Musa, kwaamba,

Musa mulanda wangu wafwa; lino nkokuti kobuka, alimwi zabuka Jordano oyu, yebo, alimwi a bantu aba boonse, ku nyika eyo Nje kabapa, akwalo ku bana ba Israyeli.

Busena abumwi obo ndyato zya tende lyanu mpo liyo lyata, obo Nda bupa kuli ndinywe, mbuli Mbwe kaambila Musa.

Kuzwida ku nkanda a Lebanoni oyu akwalo kusika ku mulonga mupati, mulonga Efreti, nyika yoonse ya ba Hiti, alimwi ku . . . i kububila bwa zuba, iyooaba nkomwe yanu.

Ta ku kabi muntu uli oonse uyo konzya kwiima kumbele lyako mazuba ako oonse a buumi bwako: mbuli Mbwe kali a Musa, mbubonya Njo oba a nduwe: Nse ka kulekelezayi pe, naanka ku kusiya.

Koba muyumu a wa bukozu bubotu: nkambo ku bantu aba uyo abaula nyika ku lukono, eyo Nje kakonkezya ku matata abo ku bapa.

Biyo kuba muyumu a sibukozu maningi, kuti ukakonzye kubamba kucita kweendelana ku mulao oonse, oyo wangu . . . oyo Musa mulanda wangu ngwa kakulailila: kutaleya kuzwa kuli nguwo ku janzalyalulyo na lyalumwesi, kuti ukonzye kuba acoolwe kufumbwa oko nkoya.

Eli bbuku lya mulao lita kazwi mu mulomo wako; pele yebo uyo yeeya muli ndilyo isikati a masiku, kuti ukakonzye kubamba kucita kweendelana kuli koonse oko kulembedwe mukati omo: nkambo mpawo yebo uyo bamba nzila zyako kuba acoolwe, alimwi mpawo yebo uyo oba kuzwidilila kubotu.

Sena Nse kulailila? Koba muyumu a wa bukozu bubotu; uta yoowi, naanka kulibilika: nkambo MWAMI Leza wako uli anduwe kufumbwa busena oko nkoya.

48 [Mukwesu Branham lino wabala Joshua 10:12-14—Mul.]

Mpawo Joshua wakaambila MWAMI isikati cindi MWAMI nakaaba ba Amori kumbele lya bana iba Israyeli, alimwi wakaamba ku meso aba Israyeli, Koima nji aa. . . Zuba, koima. . . nji aa Gibeoni; alimwi yebo, Mweezi, mu kkuti lya Ajaloni.

Elyo zuba lya kaima nji, a mweezi wakaima, kusikila bantu baka liya nkoto kuli basinkondo babo. Sa eci tacilembedwe mu bbuku lya Jasha? Aboobo zuba lyakaima nji akati ka julu, alimwi kutabinda kubbila kutandila buzuba boonse.

Elyo kwakanyina buzuba mbuli boobo kusule na kuzwa mbubo, cakuti MWAMI wakamvvida jwi lya muntu. nkambo MWAMI waka lwanina ba Israyeli.

49 Akube kuti Mwami ayungizye zileleko Zyakwe ku kubala kwa Majwi Akwe. Lino ciiyo masikati aya: *Ii Cikankamanisyo.*

50 Lino, bbala *cikankamanisyo*, mbuli Mbwe kazwaa kuli langalanga a kuba masimpe kuti—kuti Nda kali luleme, bbala *cikankamanisyo* lyaamba, kweendelana kuli Webster, kuti calo “ncintucimwi citakwe busyome, pele kacili ca bwini.” Lino, nywebo mulizi, twa kamvwa kaambyo kakaindi, kuti—kuti, “Bwini bulainda” (baita buti eco?) “bulainda kubweenzu kwiinda cimwi cakuyeeyela buyo,” bwini mbo bubede. Nkaambo, cindi muntu aamba bwini, ziindizimwi nceenzu maningi.

51 Ndi lizi mweenzuma wangu, kuteeti, kutala mu Colorado. Ba kajisi kulangalanga kwakali kucitika, kuyooba a kulangalanga kwa banyama ba elki. Elyo kwakali mweelwe wa banyama ba elki bali makumi obile aumwi mu tanga. Elyo mweenzuma wangu, cindi, wakali syaalide okuya kavwima, elyo cindi basikumamela niba kaboola. Elyo baka bbadelede muulo mupati, ba bukwabilizi bwa zilengwaleza bakali jisi, nkambo umwi wa myootokala yamu caanda, ku jokela a kuba kulangalanga kwa banyama ba elki. Wa kati, “Ta mweelede kubelesya mali ayo oonse. Nda konzya ku mwambila mbo bali banji banyama ba elki kusule okuya.” Elyo bakamuseka buyo. Kati, “Bali bongaye?”

52 Wa kati, “Bali kkumi afuka.” Kati, “Ba kali makumi obile aumwi, elyo Nda kajaya bobilo babo.”

53 Elyo sikumamela waka museka. Yebo uzumizigwa biyo kujaya omwe, yebo ulizi. Elyo wa kati, wa kati, “Inzya, Ndi lizi wakacita.”

54 “Ee,” kati, “obo Mbwe kacita. Kwakali banyama ba elki bali makumi obilo aumwi, elyo Nda kajaya bobilo.”

55 Elyo sikumamela waka seka buyo a kuzumanana kujoka. Elyo obo mbo bakabede, banyama ba elki bali kkumi afuka. Mwabona?

56 Wa kavuulukila kuli ndime, kati, “Yebo wabona, omupaizi, koamba buyo bwini, bantu taba kabusyomi.” Mwabona, koamba buyo bwini, aboobo kuli masimpe kuti mbweenzu maningi kwiinda cimwi cakuyeeyela buyo.

57 Joshua awa ndi Bbuku, ncobeni, ndi Bbuku lya lununuko, lya Cizuminano Cakale. Joshua, inga tweelela kuli langanya kuba boobo, Bbuku lya lununuko. Nkaambo, ndu, lununuko lujisi zipanzi zzybilo. Lununuko, kulikoonse, kujisi zipanzi zzybilo. Oko nkokuti, nkwa “ikuzwa” a “kunjila.” Kubweza zipanzi zzybilo kupanga lununuko, “ikuzwa,” “kunjila.”

58 Musa wakaiminina mulao oyo waka bagwisya kuzwa mu Egepita, alimwi, mubumbi, Joshua wakaiminina luzyalo olo lwaka banjizya mu nyika ya cisyomezyo. Nzila imbi, yakali, i—i mulao a luzyalo bwakali bube bobilo bwaandene ibwa kulailila kwa Leza. Lino, mulao waka bagwisya, Musa, alimwi Joshua waka batola mukati.

59 Alimwi ciiminina cintucimwi ca buzuba bwesu. Lino cila iminina, mbuli mbo bakali mulweendo, kuboola kuzwa—kuzwa mu Egepita kunjila mu nyika ya cisyomezyo, mbubonya twa kazwa mu inyika iya Egepita, lupyopyongano, mu lweendo lwesu kuya ku Nyika ya cisyomezyo. “Mu ng’anda ya Ba Taata kuli makkalilo manji; ikuti nekwaatali boobo, Ne taka mwaambila,” Johane 14. Kuboola “ikuzwa,” kweenda “kunjila.”

60 Walo mulao oyo utuleta kuziba kuti tuli lubide, pele nduzyalo olo lutu jatila. I mulao taukwe bulangizi bwa—bwa lununuko, nkaambo kakuti . . . alimwi kuumanizya. Ta jisi luzyalo muli nguwo, nkaambo mulao utondeka biyo kuti uli sizibi, pele luzyalo lu kwaambila mbo kazwa kuli nguwo. Mulao musilikani oyo ukubikka mu ntolongo, pele lununuko Ngoy Umwi uboola kukubbadelela mali ako acisubulo; alimwi “ikuzwa,” a “kunjila,” kunjila luzyalo.

61 I Efeso. Lino tu jana cintu nciconya, Cizuminano Cakale, Ndi yeeya kuti eli Bbuku lya Joshua lileelela. Ii bbala lyelelela kuli nkuko, inga lyaba, Bbuku lya Efeso ilya Cizuminano Cakale. I Bbuku lya Baefeso ilya Cizuminano Cakale, inga lyaba cintu cibotu kupa bubande ku Bbuku eli lya Joshua, nkaambo ncobeni lilelelela kuli ceeci.

62 Lino tu jana Joshua kaiminina luzyalo, na cakuyanzanya cimwi, kuti tee lwakali kukonzya kubako mu ciindi comwe eco mulao nowakaliko.

63 Taakwe mulumbe uli oonse, oyo usumpya bantu, kusola kucitika aciindi comwe a mulumbe wakaindi. Ta ukaciti. Awo mpo mu jisi penzi sunu. Jesu wakati, “Sena muntu uli oonse inga wabweza ii—ii kagamba kapyka ka cikobela a ku kagambika ali

cakaindi? Na kubikka waini mupya mu mabbodela akaindi? Ayo nyonyooka. Uyo abbotola kujuka.” Taa konzyi kuuzunda.

⁶⁴ Elyo Joshua ta kakonzya pe kuba mu mulimo wakwe kusikila Musa nakamana kwiinka. Aboobo mwabona kampango nkakonya kataanzi awa, “Musa mulanda Wangu wafwa; lino kobuka a kutola bantu aba ku nyika ya cisyomezyo.” Musa, kaiminina mulao, waka manizya kubeleka ciindi cawo. Walo, mulao waka manizya kubeleka ciindi cawo.

⁶⁵ Ba katalika kweenda, ncobeni, a luzyalo, ku kutalika. Kabatana kuba a mulao, ba kajisi luzyalo. Kuciindi nobakali mu Egepita, kabatakwe mulao; taakwe umwi kumusanza okuya, bakali buyo bapaizi, abamwi bambi, pele tee baka jisi milao pe. I mulao tee wakali napegwa. Luzyalo lwaka babambila musinsimi. Elyo, alwalo, luzyalo lwaka bamba mulungo, kabelele kakutuuzya. Tula njila muli ceeco mvwiki ino, aa cituuzyo, bulowa, nkaambo mpaawo alede kuponesegwa kwanu. Aboobo aa . . . I mulungo waka bambide kale kakutanaba mulao uli oonse. Luzyalo lwakali kumbele lya mulao, kuciindi ca mulao, alimwi kumane mulao.

⁶⁶ Aboobo kwakali Joshua, kaiminina luzyalo, wakali antoomwe ncobeni a mulao, pele tii waka konzya kuzwidilizigwa mu busena bwawo bululeme.

⁶⁷ Elyo mbubonya mbungano ya inyika mboibede mu buzuba obu bwamamanino! Wa kaboola antoomwe, waka beleka cibeela cawo, pele kuboola ciindi oko mpo weelede kumana. We elede kucicita. Kwe elede kuba Baefeso, akwalo, ba musinzo oyu, mbubonya buyo mbo kwakali misinzo imbi. Kwe elede kuba Baefeso, bu Efeso, muna Efeso wa musinzo oyu. Amulangilile.

⁶⁸ Omo mu mulao oyo tii kwaakonzya kuba sizibi, mbuli Mbwe tondeka. Niwa takakonzya. Nkikaako nyika ya cisyomezyo yakaiminina buzuba bwa luzyalo. Mwabona, ta kakonzya kubatola mukati, mu musinzo oyo.

⁶⁹ Elyo ikuti na mwalangisya, mu musinzo oyo, ba kajisi ntaamo zyoatwe zya musinzo wabo. Kusaanguna kwakali kulibambila ku lusyomo, kumusanza mu Egepita, kubweendelezi bwa kabelele kakutuula. Mpawo baka zabuka Lwizi Lusalala, kunjila mu i—i nkanda, kwaandaana, kwa kaiminina ntaamo iimbi ya musinzo.

⁷⁰ Nkaambo, kubweendelezi bwa kulibambila, cindi boonse neba kalibambila, mpawo cindi niba kasika ku i—ku Lwizi Lusalala, kwakali kukakilwa alubo. I bantu tii bakasyoma, niba kamana kubona zintu zinji ezyo Leza nzya akacita. Tii baka syoma. Elyo Leza waka jula Lwizi Lusalala a kuba tola, oko nko tuyiisigwa kuti bantu boonse baka bapatizigwa kuli Musa, kungsi lya Kkumbi a lwizi.

⁷¹ Lino baka bapatizigwa, bakeempwa alimwi baka bapatizigwa, alimwi kazwa kabeenda mu buumi bupya, mu

nyika mpya, mu musinzo mupya, akati ka bantu bapya, alimwi janza lya Leza lyakali ali mbabo. Pele kumalekelo caka boola ku busena, mu lweendo olu ndo baka jisi, kuti tiiba kakkutila a lweendo lwabo lwa luzyalo. Ba kacita kuba a cintucimwi eco nco bakali kukozya beni.

⁷² Lino mpe mpawo bantu mpoba yeeya, sunu, zya kuponesegwa kwa Buleza, na mulimo umbi uli oonse iwa luzyalo, lwa Leza, kuti kuli cintucimwi eco ncoelede kucita. Yebo, kwiina cintu ncoelede kucita cita kusyoma, kosyoma buyo Leza.

⁷³ Elyo, balo, ikuti na niba kazumanana! I cisyomezyo tii caka pegwa kuli mbabo kungsi lya mulao. I cisyomezyo caka pegwa mulao kautanaba, kakutakwe cakuyaamina cili coonse kuli ncico, “Nda mupa nyika eyi, amu zumanane kulanduka kunjila muli njiyo!” Pele kabatana kusika ku cisyomezyo eco, ba kayeeya kuti kwakali cintucimwi ncoba keelede kucita beni.

⁷⁴ Elyo, kuti, tula cijana eco akati ka bantunsi. Tula langilwa kuba munzila eyo, “Kuli cintucimwi nco tweelede kucita.” Tula limvwa obo, kuti twe elede kuba a cintucimwi muli ncico acalo.

⁷⁵ Mweelede kucita cintucimwi muli ncico, oko nkulyaaba kwanu kwa luyando lwanu, mizeezo yanu ini, ku luyando a muzeezo wa Leza Singuzuzyonse, nkabela camana. Nku koonse kuliko. Amu bweze buyo cisyomezyo Cakwe, muta yeeyi cintu cimbi. Amweende kwiinda kuli Ncico, elyo Leza ulacita cimwi ca ncico.

⁷⁶ Mpawo ba kali kuyanda mulao. Elyo Leza lyoonse ulamupa kuyandisya kwa moyo wanu; Wa kasyomezya kucita. Pele tu jana kuti, cindi noba kanyona ntaamo yomwe kuzwa ku lubazu oko Leza nkwa kabasyomezya lutaanzi mpawo eco cakali cisongozyo cakuyasa mubili kusikila mulao waka gusigwa, kusikila Jesu Kristo waka boola nkabela wabambulwa kuti agusyeye mulao. Cakali cisongozyo cakuyasa mubili.

⁷⁷ Elyo kufumbwa cintu eco ncosola kucita muli lwako, lyoonse ciyo beleka ku kuubauka kwako. Ciyo beleka mu kubula coolwe kuli lwako. Kosyoma buyo Leza cabuteteete, nkabela eco ciyo cibamba. Eco Leza nca kasyomezya, “Ndime Mwami Leza Wanu Oyo uuponya malwazi anu oonse.” Mwabona? “Ikuti na kuli umwi akati kanu, mulwazi, abaite baalu ba mbungano.” Wa kasyomezya, “I milimo eyo Nje kacita, inga iyo citwa mu mbungano Yakwe.”

⁷⁸ Nkaambonzi nco tweelede kuzumina tubunga, atumwi tumbi, tuyo mwaya eco icamu Bbuku? Mwabona, ci—ci ba cisongozyo cakuyasa mubili. Elyo mpaawa ku ciindi cakumamanino, tula swaana cintu alubo, busyu a busyu, nincito yaba Methodisti, Baptisti, Presbyteria, a bambi, mwabona. Nywebo, nywebo tamu konzayi kuzumanana; mweelede kujokela ku Makani mabotu oonse aazwide. Aka bambilwa muntu umaninide, kwiinda kuli Leza umaninide Oyo wakaba mu mubili

wabantu a kukkala aakati kesu. Elyo tu lizi kuti zintu ezyo nzya bwini.

⁷⁹ Lino ikuti na mwalangisya, mpawo, musinzo wako mu nkanda nko nkuko nkoba kacitila bulubizi bwabo bupati maningi obo Israyeli mboya kasola kucita, kusikila Kalivari, cakali cindi (mu Kulonga 19) baka zumina mulao mucibaka ca luzyalo. Ba kali jisi luzyalo. Ba kali jisi musinsimi. Ba kali—ba kali jisi kabelele kakutuula. Ba kali jisi lununuko. Ba kaletwa kwiinda mu Lwizi Lusalala. Ba kaponesegwa ku malwazi abo. Ba kali jisi maanzi kuzwa ku mwaala wakaumwa. Ba kali—bakali jisi mana akazwa ku julu. Zintuzyonse nzo baka bulide zya kapegwa, alimwi nekubaboobo ba kayanda cintucimwi cimbi.

⁸⁰ Lino eco ncikozyanyo cilondokede ca Baefeso besu sunu, mbombubo. Twa kazwa kungsi lya Luther; twa kaina mu kusalazigwa, kungsi lya Methodisti; a kubooba mu kuboozezya, kungsi lya Pentekoste. Mbubonya mbuli mbo cakabede, musinzo wamu nkanda. Elyo cindi Leza naka tugwisya, twa kacita kabotu loko. Pele ncenzi nco twa kacita? Kayanda kuba mbuli bamwi babo. Lino tu jana kuti luzyalo ncintu luzutu eco citutola kuzwidilila, kutali mulao.

⁸¹ Joshua awa ncikozyanyo ca mulimo wa buzuba bwamamanino. Mwabona? Lino amu yeeye ntaamo ezyo zyatatwe zya musinzo. Zyoonse zyawo zyakamana, lutaanzi mulao a zintuzyonse zya kacita kumana, kutegwa Joshua... Elyo *Joshua* ndi bbala ndilyonya mbuli Jesu, “Jehova mufutuli,” oyo wa kabagwisya kuzwa mu nkanda yabo kunjila mu nyika ya cisyomezyo. Lino Ndi lizi banji bajatilila... .

⁸² Elyo Nse yanda kwiimpana a bamaiyi bapati, pele banji bajatilila kuti nyika ya cisyomezyo iiminina Julu. Tiiya kakonzya kwiiminina Julu. Tiiya kakonzya, nkaambo ba kajisi nkondo, a mapenzi, a mapilinganwa, a zintuzyonse, munyika ya cisyomezyo. Ta iiminini Nyika ya cisyomezyo.

⁸³ Pele mula bona, kabatana buyo kunjila mu nyika ya cisyomezyo, koonse i—i kwiimpana oko—oko kwaka bukide aakati kabo. Ba... Umwi muntu mupati wakali Kora. Ta kali kuyanda busololi obu bwa muntu omwe. Datani, a nzila mbo baka boola kumbele lya Musa a kusola ku mwaambila kuti “i—i mulumbe wa keelede kwaamba *boobu*,” a kubikka bupanduluzi bwaandeene kuli nguwo, mizeezo yabo ini ya obo mbo wakabede. Elyo boonse babo bakaloba! Boonse babo!

Jesu wakati, “Taakwe nekwakali umwi wabo pele abo bakaloba.”

⁸⁴ Ba kati, “Bamatata besu bakalya mana mu nkanda, kwa mwaakwe wa myaka ili makumi one,” Musalali Johane 6.

Jesu wakati, “Elyo boonse babo balifwide.”

⁸⁵ *Lufu* caamba “Kwandaanizigwa cabutamani.” Boonse bali fwide, nekubaboobo ba kabotelwa kumvwa mulumbe, nekubaboobo ba kabotelwa mana ayo akawa. Kutali mana ambi; mana eni!

⁸⁶ Pele kwalo nicaka boola kuciindi Balamu na kazibya njiisyo yakwe ya bubeji, elyo wakati, “Toonse tuli bamwi. Nkaambonzi tatu booli buyo antoomwe a kulekela bana besu kukwatana umwi aumwi? Tuli cisi cipati. Tuyo mubamba kuba bapati antoomwe a ndiswe.” Lino kufumbwa muntu ujisi kumvwisya kanjikanji kwa kumuuya inga wabona ncobeni eco cintu nciconya akwalo sunu, kubakwatanya boonse babo antoomwe. Elyo cakali cibi citajatilwi. Kwiina nocaka jatilwa kuli Israyeli.

Pele mpawo Joshua waka bukila kulonga.

⁸⁷ Lino tula yiisigwa, mu Ciyubunuzyo cipati 6, Nda syoma, inzya, cipati 6, ca Zinamatizyo zili Ciloba. Ezyo zyeede... I Bbuku lya kanamatikwa a makani aasisidwe ali ciloba, na Zinamatizyo zili Ciloba, Ciyubunuzyo 6. Elyo mu buzuba bwamamanino, Ciyubunuzyo 10, mu Ciyubunuzyo 10, tu jana kuti Laodikeya, mutumwa wamamanino wa bukkalo bwamamanino, alimwi mu mwaakwe wa ciindi ca cisinsime cakwe, kuteeti Zinamatizyo zili Ciloba inga ziyo julwa, makani aasisidwe ali ciloba, makani aasisidwe azipanzi ziliciloba ayo akasyeede.

⁸⁸ Mu bukkalo abumwi kwakali amwi a Ngawo akasyaala. I sikubambulula taka jisi ciindi ca Kwa langanya. Mu mazuba akwa Luther, wa kakambauka biyo kululamikwa ku lusyomo. Wa kaunka, baka panga mbungano. Kumane boobo Wesley wa kasika, wa kakambauka kusalazigwa. Mboobo mbo kwakabede. Elyo ambali kwakasika ba Pentekoste.

⁸⁹ Pele twa kasyomezegwa, kweendelana ku Ciyubunuzyo 10, alimwi kweendelana kuli Malaki 4, a Musalali Luka 22:17, amwi ambi, kuti kweede kuboola ii—Baefeso kuli ceeci. Kuli cisyomezyo kuli ncico, beenzuma. Kweede kuboola Baefeso, kuti aya makani aasisidwe azipanzi ziliciloba aa Ijwi lya Leza ayelede kuvungululwa. Elyo mwalo mu bukkalo bwa Laodikeya eco nocicitika. Nda syoma kuti nko—nko tuli.

⁹⁰ Nda syoma kuti tuli moonya mu zimvule zya Kuboola kwa Mwana wa Leza. Elyo mbuli Joshua, kakutanaba buyo kubusigwa kwa Baefeso, mbubonya Johane Mubapatizi mbwa kabuka kakutanaba buyo kubusigwa kwa Baefeso batobela. Elyo twa kasyomezegwa bambi, Baefeso bambi. Kwa kaambwa kuyooaba awa mu Lugwalo, nkikaako Nce yeeya kuti tu pona mu Baefeso alubo. Kupilukila alubo ku... Twa kasyomezegwa kuti eco caka syaala kucindi ca makkalo ayo ali ciloba.

⁹¹ Lino tamu konzyi kuyungizya cintu ku Bbuku, na kugwisya cintu kuzwa kuli Ndilyo. Ciyubunuzyo 22:18 yaamba boobu, “Oyo uyo sola, kuyo yungizya bbala lyomwe, na kugwisya Bbala

lyomwe, cibeela cakwe ciyo gusigwa mu Bbuku Iya Buumi.” Lino ta tukonzyi kuyungizya na kugwisya.

⁹² Aboobo nkikaako tu lizi kuti Luther ta kakonzya kusika kuli Ngawo; Wesley, abamwi bambi, basilubambululo, Knox, Finney, Calvin, mucindi cakatobela, abamwi bambi, tee bakasika kuli Ngawo pe, pele obo mbo baka jisi bwakali Bwini bwa Makani mabotu.

⁹³ Pele lino mu mazuba akumamanino, twa kapegwa kumvwisya, kwiinda ku Ijwi, kuti tuyo Li mvwisya, nkaambo kuyo boola bukkalo bwa Efeso kuli ngawo. Elyo tuli waano! Lino, cikankamanisyo! Ndiyo siya eco kulindila, nkaambo Ndi jisi buyo maminiti ambi atandila ku kkumi elyo mpawo tulaba a mundando wa mipailo. Cikankamanisyo!

⁹⁴ Kuli bantu bamwi, ba sunu, abo bata syomi mu maleele. Ba amba kuti taba “konzyi buyo kusyoma kuti kuli cintu mbuli maleele mu bukkalo obu kwasunu.” Ee, Ta ndipandululi kwaamba kufumbwa cintu cibbi kujatikizya muntu oyo, pele mba sicinywe kumuuya. Ba, ba, bali—bali ofweede kumuuya. Taba jisi kukubona kwa kumuuya na kulimvwa kwa kumuuya, pe. Nkaambo, taakwe muntu ukonzya kukkala mu bbunga Iya bantu, omo Muuya Uusalala mouli mukuwa, takukwe makani na ngu sizibi umaninide, na walo, pele ku cintu beelede kutweluka Busyu bwa Leza, cindi wabona Ijwi Ndiya kasyomezya kali zulizigwa. Mpawo inga koelede kuti uli sicinywe; alimwi cindi wa bubona a meso ako eni, kacicitika, mpawo weelede uyo elela kuba moofu, kumuuya, Ta ndaambi cakunyama. Pele inga konooli moofu ncobeni kumuuya, a kuba a kukonzya kubona kakutakwe kubelesya magilazi, kukubona kwakunyama.

⁹⁵ Mula yeeya Eliya kumusanza ku—ku Dotani, cindi na kazwa a kuumya mpi eyo yoonse kuboofu? I Bbaibbele Iyakati mbwa kacita. Elyo waka basololela moonya musyokwe, kakuli tee bakazi kuti wakali ni. Elyo nekubaboobo wakajisi zyakwe mbubonya mbuli mbwa keelede kuboneka, a bumwi bumbi, elyo wa kayutukila nkoonya kuli mbabo. Pele bakali ofweede.

⁹⁶ Elyo inga waima mu Busyu bwa Leza muumi, inga waima kungsi Iya bunanike bwa Muuya a ku Bu bona ka bweenda, elyo nekubaboobo ta Bu kakugumi. Inga wabona eco Leza nca kaamba, kakambaukwa kuli nduwe caculondoka alimwi mpawo kuyubululwa, nkabela nekubaboobo to kanjili, “to Bu syomi,” mpawo, okuya, tocikwe bujate. Uli fwide kale, sicinywe, moofu, kanyonyooka. Ba kali manide.

⁹⁷ I inyika. Nda libuzya, ikuti na muntu nguonya oyo uta syomi mu maleele, Nda libuzya alimwi ikuti na ba konzya biyo kuba zintu ezyo zikonzya, ezyo zini, ezyo zya katondezegwa munzila yasayaansi na? Nda libuzya ikuti na mula konzya kuba munasayaansi umwi, na kufumbwa muntu oyo uta syomi mu maleele, kundi pandulwida obo inyika eyi mboyiimvwi mu

kazila kayo. Mbobuti mboi bamba ciindi cayo cilondokede, kuzunguluka ikkweta a nzila mbo yeenda, a kulondoka buyo? Ta tu jisi mincini, nkoloko, na musyobo umwi, oyo ukonzya kubamba ciindi mbuli boobo; ciyo inda mu maminiti masyoonto mweezi aumwi. Pele zuba eelyo lili a ciindi mpaonya. Zyuulu zya myaka zila zumanana kupumbulika, tai zungaani; ncobeni, cakulondoka.

⁹⁸ Nzila mweezi mbo ukonzya, mabbilioni a mamaile kuzwa ku nyika, ucikonzya kweendelezya kufuta akuyosa kwameenda. Nda ambile nzila mu galakisi eyi njo tuponamo, mbobuti mweezi mbo ukonzya kuba a nguzu zili zyoonse aa meenda ala nyika? Munzila yasayaansi, nda ambile mbo cicitwa. Ta cikonzyi kucitwa, nkaambo kwiina nzila yasayaansi ya kucilungulula. Pele Leza wakabikka mweezi kulangilila lwizi. Elyo cindi mweezi watalika kupiluluka, cindi nyika ya zunguluka kuyaamuka, mpaawa kwaba kufuta akuyosa kwameenda. Pele cindi asinsimuka, cifumo citobela, kucebuka nzila *eyi*, kufuta akuyosa kwameenda kula piluka kubusena bwako alubo. Walo mulindizi.

“Oh,” nywebo mwati, “mpa nkomwe ya lwizi buyo.” Peepe.

⁹⁹ Oko nkuutala awa mu Arizona, kujokela kulaale okuya mu cisi ca Kentucky, kufumbwa nkomusya cidindi ansi mu bulongo kule maningi kuyo jana meenda ala munyo. Muyo jana, cindi oko kufuta akuyosa kwameenda kwazwa, ayo meenda ala munyo alabbila mu paipi ansi. Elyo cindi kufuta kwameenda kwaba, kula nyamuka akwalo, myaanda ya mamaile kuzwa ku nkomwe ya lwizi.

¹⁰⁰ Inga twa kambauka nkambauko ali ceeco. Obo Leza, takukwe makani, Uli mu Bulemu pele malailile Akwe ala nguzu nzizyonya buyo a inyika yoonse a muntu uli oonse ubweza cisyomezyo. Malailile akwe ali pedwe. Uli jisi milao ya bulenge, alimwi—alimwi iyo—iyo lizwidilizya ncobeni kuba bwini, kuzwa ku Pentekoste na kufumbwa ciindi cimbi. Kufumbwa ciindi eco Leza nakapanga cisyomezyo, Uciyo kkala a cisyomezyo eco kakutakwe kubikkila maanu awo bantu mpobabede, na kwiindide myaka ya zyuulu zinji. Milao Yakwe inooli mbubonya lyoonse.

¹⁰¹ Obo mbuto mboi wida mu bulongo, alimwi ilabola, a kuzyala buumi alubo. Iboneka mbuli, ikuti na iyosola kuzyala buumi, inga yaba cindi yanooli mu ciimo cayo cilondokede. Ikuti na buumi bwakali muli njiyo lyoonse, mpawo nkaambonzi noitakonzyi buyo kuyutuka? Koibikka mu bulongo, buumi bula sonsa. Nkaambonzi zyoonse ezyo zizungulukide buumi obo, zyoonse ezyo zizungulukide nseke eyo yakuti taakwe muntu ukonzya kwijana, mbobuti zintuzyonse zizungulukide nseke eyo mbo zyeede kufwa? Aboobo inga yasonsa mu buumi bupya.

Pele zintuzyonse zizungulukide zyeede kufwa a kubola azyalo, kaitana konzya kusonsa buumi.

¹⁰² Mubunya mbo cibede mu mugame. Kufumbwa kuti kuli zya kunjizya zya muntunsi, mizeezo ya muntunsi, mpawo nseke ya buumi iya Leza, Muuya Uusalala, tau konzyi kubeleka. To konzyi kuponesegwa kufumbwa kuti kuli buyo ii—ii kabeela kubusena bumwi, kuti taina bola; ijisi tuntu toonse twa muntunsi, mizeezo yoonse yasayaansi, oonse “mazuba a maleele akamana,” mbo kwiitwa. Zyoonse zileelede, zyoonse, kutali kufwa biyo, pele kubola, mpawo kuzwa awo kwakomena nseke ya Buumi kuyaku buumi bupya. Eyo nje nzila biyo mbo konzya kukomena.

¹⁰³ Ako nkekaambo ta tutambuli ezyo nzo tulomba. Tu sola kubweza, antoomwe andiswe, kunji loko kwa mizeezo yesu ini.

¹⁰⁴ Ako nkekaambo mbungano ya Lutherani tee yakakonzya kusumpuka kuyaambeke kwinda mbuya kacita, ba Pentekoste a bamwi; nkaambo bala njizya, kwiinda ku nkamu zya basilwiiyo lwabukombi, “*Eci* ta ceelede kuba munzila eyi. *Eci* nca buzuba bumbi. Alimwi *Eci* cakali ca boobo.” Njeeyo ya kkala. Tai konzyi kukomena kusika ku cinkozya eco ca Kristo kusikila Ijwi alimwi lya Leza lya tambulwa muli nduwe, elyo mpawo waba Ijwi eelyo. Cili mbuli mbuto eyo yaka njila mu bulongo.

¹⁰⁵ Ndi yanda kuti bapandulule ba Hebrayo 11:3. I munasayaansi wiinda ngo twa kasola kujata, kuciimo Mbwe zyi, wakali Einstein. Cindi okuno kutali ciindi cilamfu cakainda, mu New York, Nda kali kuswiilila eco nca kaamba. Elyo wakali kwaambaula makani aa galakisi, a kule maningi mbuya kabede, alimwi wa katondezya kuti kwakali Butamani. Obo muntu, kweenda mamaile amamilioni manji loko mu oora, inga kwa mutolela maningi loko, na bweende bwa mimuni buli milioni mumwaka mu oora, inga kwa mutolela myaka minji loko kusika kokuya, comwe, zyuulu zya myaanda yotatwe na cintucimwi mbuli ceeco, alimwi mpawo zyuulu zili myaanda yotatwe kujokela. Elyo mpawo kutondezya kuli nkuko, kumwi, kuti muntu waka unkiye biyo kuzwa ku nyika kwa myaka ili makumi osanwe. Butamani!

¹⁰⁶ Elyo eyo ni galakisi buyo niini, cindi Leza naka zifulida kuzwa mu janza Lyakwe! I Bbaibbele lya kaamba! Elyo Einstein kumalekelo waka bandika kumanizya a ceeci, “Kuli nzila yomwe luzutu eyo muntu uli oonse nja konzya matalikilo a inyika eyi, ayo ajanwa mu ba Hebrayo 11:3. ‘Tula mvwisa kuti manyika aka pangwa antoomwe ku Ijwi lya Leza.’” Obo mbombubo ncobeni. Sayaansi ayalo tai konzyi kuciguma. Elyo mpawo mwati tamu syomi mu maleele? Mbobuti mbo konzya kucicita?

¹⁰⁷ Mbobuti munasayaansi uli oonse mbwa konzya kusola kupandulula mvula yakwa Nowa, kakuli taakwe dosi lya mvula lyakawide aa nyika kusikila buzuba obo? Pele Nowa wakati inga mvula iyoowa! Elyo cindi mvula yakwa Nowa

niya kasika, bwiimpene kuli sayaansi yoonse; kwakanyina makumbi mujulu omuya, kwiina noya kawide mvula mujulu omuya. Ba kakonzya kutondezya kuti kwakanyina mvula mujulu omuya. Elyo mpawo cindi Leza naka jula majulu a kutila ii—ii kupoomoka kwa kakukula nyika, eco cakali cikankamanisyo; obo mbo citalangilwi ncobeni, kubula bupandulule. Pele tu lizi kuti Leza waka cicita, nkaambo Bbaibbele lya kaamba boobo. Elyo tuli jisi bumboni aa nyika, sunu, kuti cakali boobo. Leza waka cicita. Eco cakali cikankamanisyo.

¹⁰⁸ Cindi Leza nakabweza mudaala, wa zina lya Abrahamu, akukomena kwa myaka ili makumi ali ciloba ayosanwe; a mukaintu wakwe, makumi ali cisambonwe ayosanwe, myaka minji kwiindilila ciindi ca buumi, kuyozya kuya kumweezi. Elyo cindi Na kabweza muntu oyo a ku mupa cisyomezyo, ku myaka ili makumi ali ciloba ayosanwe yakukomena; ku mwanakazi oyu ngwa kakwete, mucizi wakwe—wakwe kuli wisi umbi. Elyo wa kapona anguwe kuzwa ciindi nakali musimbi; ba kakwatana cindi antela na kali ii—ii musimbi mukubusyi, alimwi awa waa kali a myaka ili makumi ali cisambomwe ayosanwe yakukomena. Elyo kati, “Uyo oba a muvwanda kwiinda ku mwanakazi oyu.”

¹⁰⁹ Elyo ino kuti Abrahamu nakati, “Nse—Nse—Nse syomi mu zikankamanisyo. Nse—Nse konzyi ku cizumina eco?” Nicataka citika.

¹¹⁰ Pele, nywebo mwabona, cindi waamba kuti ulasyoma kufumbwa cintu, mpawo weelede kucibikka mu micito. Mpawo Abrahamu wakasinikizigwa kulyandaanya kuzwa ku kutasyoma koonse, a kweenda a Leza alikke. Elyo mucibaka cakukompama, wakaba a nguzu. Elyo cindi nakali aa myaka ya kukomena ili mwaanda, a Sarah naka jisi ili makumi ali fuka, muvwanda wakasika.

¹¹¹ Mbobuti Abrahamu mbwakali kunotola mwana wakwe, kule mu musinzo wa mazuba otatwe, ambweni mamaile ali makumi ali fuka kuzwa ku lusumpuko luli loonse, aatala aa mulundu oko Mwami nkwaka mutondezya, kuunka kuyo tuula mwana wakwe wini, Izaka? Izaka kabamba nkuni kabotu, mbuli mbo tuzi, uuli mukozyanyo wa Kristo. Elyo atala aa mulundu oyu wakali kuyo tuula Izaka mbuli cituuzyo, elyo cindi nakazulizya zintu zyoonse Leza nzya kamwaambila cita kuyasa mwana wakwe mwini ku lufu, ku kameneno kakwe, cindi nakagusya cifulo kuzwa mu cikwa a kutambika janza lyakwe ku kuswiilila Leza, ku ijwi! Nkambo Bbaibbele lya kaamba, kuti, “Wa kalizi kuti Leza takali kukonzya kupanga cisyomezyo kunze lyakuti Wa kacizwidilizya. Elyo wa kamutambula mbuli umwi wakazwa ku bafu, kuti Wa kali kukonzya kumubusya kuzwa ku bafu akumupa kuli nguwe alubo.”

¹¹² Elyo cindi nakali bambilide kuswiilila Leza, ku buzule bwaco, Wa kajata janza lyakwe akuti, “Kolesya janza lyako,

Abrahamu.” Elyo mpaawo kwakali mugutu wambelele wakazambaidwe mu nkanda, kuzunguluka misaansa, a meja akwe, atala lya mulundu oyo, oko kuli balavu, baumpe, basuntwe, babwa bamusokwe, a zinyama zipati ziyoosya ezyo zilya mbelele. Elyo mpawo wakali kule atala lya mulundu awo atakwe maanzi. Mbobuti oyo mugutu wambelele mbwa kasika okuya? Abrahamu wakabweza mabwe koonse kuzunguluka, ku kuyaka ii—ii cipaililo. Pele mpaawo kwakaba mugutu wambelele, kuzwa atakwe. Cakali cikankamanisyo.

113 Elyo kufumbwa muntu oyo usyoma muli Leza aku Mu bweza mbuli Ijwi Lyakwe, takukwe makani obo ciimo mbocibede, Leza uyo cita cikankamanisyo cimbi, ku bamba Ijwi Lyakwe. Nkambo, Abrahamu wakaita busena kuteeti *Jehova jire*, “Mwami walibambila Mwini cituuzyo.” Uci konzya kucitya cikankamanisyo ku citika. Ula konzya kucita obo masikati aya, ikuti na muyo Mu bweza ku Ijwi Lyakwe.

114 Daniele, kuzwa mu bulyango—bulyango buzwide balavu balaa nzala, mbobuti mbo cakali kukonzya kuba kuti muntu ulya . . . Mbobuti mbo cakali kukonzya kuba kuti muntu ulya, a nkamu ya balavu balaa nzala, kukkala mu mpako ambabo, busiku boonse, kaatakwe nokuba kulicisa? I Angelo wa Mwami, utalibonyi ku muntu uli oonse, waka liimvwi omuya. Ca kali cikankamanisyo. Cintucimwi cakakasya mulavu oyo kusika kuli nguwe.

115 Cindi bana Bahebrayo niba kanjila mu bbila lya mulilo kkali, eci cilwana kumvwisya kwa sayaansi koonse, mu bukkalo obo bupati. Tii cakali casayaansi kuti muntu kuti afusilwe mu bbila lya mulilo, eco cakali, kuti bantu basikubatola okuya bakaloba, nkabela balo bakawida mu bbila lya mulilo a kupona mu bbila lya mulilo elyo kwakaindi, nkabela cintu buyo ncowa kacita kwakali kubaangulula kuzwa ku zyaanzyo zyabo zya ku maulu a maboko. Eco ncikankamanisyo. Tii cakali kukonzeka kupandululwa, kutamvwika kabotu, pele nokuba mbwini.

116 Ngooyu Joshua, oyo ngo tu kanana. Obo kuti muntu oyo, muntu walyoonse oyo wakaboola buyo kwiinda ii—ii—ii mu nkamu ya tunsiyansiya oto bantu noba kabambide, a milao a pobwe, kakutakwe cintu muli mbabo eco caamba kufumbwa cintu kujatikizya kupa muntu nguzu kwiimika zuba. Pele awa, a kutumwa kuzwa kuli Leza, “Njo mupa kabeela koonse ka busena awo ndyato zya matende aanu mpo ziyo lyata. Njo bako.” Elyo sinkondo waka tobezegwa.

117 I zuba lyakali kuya bubbila. Ikuti balo bamami niba kajisi ciindi cakulibunga antoomwe alubo buzuba butobela, naka sweekelwa ncobeni bantu. Pele Joshua wakalizi kuti wakali kuyandika mumuni wazuba. Elyo wa kalanga mujulu ku zuba, a kuti, “Koima nji atala a Gibioni. Elyo, mweezi, wakaima atala a Ajaloni.” Elyo ku mwaakwe wa buzuba boonse, oko kwakali

kulampa kwa busiku boonse, zuba lyakaima nji a mweezi wakaima okuya. Eco ncikankamanisyo. Ii muntu weendela mu luyando lwa Leza wakali kukonzya kucita cintu mbuli ceeco, nkambo wakali mu ii. . . wa kali alubo mu ii—ii Efeso, mu ii—Efeso a—a Makani mabotu. Masimpe, cakali cikankamanisyo.

¹¹⁸ Musa a kasako mu janza lyakwe, kuya kumusanza a kuyonununa bana ba Israyeli, cakali cikankamanisyo, kakuli Egepita yaka jisi impi zyoonse a baalumi babo bakayiide kabotu. Ca kali cikankamanisyo.

¹¹⁹ I kuzyalwa kwa nakalindu kwakali cikankamanisyo. Mbobuti nakalindu, kulwana kumvwisya kwasayaansi, mwanakazi oyo watakazi mwaalumi, mbwa kali kukonzya kuzyala mwana; alimwi kutali mwana biyo, pele Emmanuele, Oyo wakatondezya kumaninina kuba eco nco ca kaaamba kuti ciyooba. Mbobuti eco mbo cakacitika? Ca kali cikankamanisyo. Nkaambo, Leza wakaamba ku musinsimi Wakwe, myaka ili myaanda kakutanaba, nkabela musinsimi waka swiilila Ijwi lya Leza, nkabela Ijwi lya kaambwa. “Elyo Ijwi lyakaba mu mubili wabantu a kukkala akati kesu.” Elyo tula cisyoma eco. Masimpe, ca kali cikankamanisyo.

¹²⁰ Obo Mbwa kali kukonzya kweenda atala a maanzi, eco ca kali cikankamanisyo. Ii muntunsi, kweendelanya ku musela matende ako, takali kukonzya kucita eco. Pele Wa kacita. Ino cakali cinzi? Citakwebupandulule, pele cakacili cikankamanisyo. Leza waka cicitu. Tula cisyoma.

¹²¹ Kasanina bantu bali zyuulu zyoanwe, a inswi zyobilo a mabbisiketi osanwe? Pele Wa kacitita. Kavuzya kutali biyo inswi, pele inswi zijikidwe; kutali cinkwa biyo, pele cinkwa cijikidwe. Mbobuti Mbwa kali kukonzya kusandula maanzi kuba waini? Koonse ncikankamanisyo!

¹²² Wa kaponya balwazi, calo, a cinsenda. Calo, taba jisi cintu cili coonse, kusikila ku buzuba obuno, sayaansi taijisi, kuponya cinsenda, pele Jesu wakaciponya ku Ijwi Lyakwe. Ca kali cikankamanisyo.

¹²³ Elyo Ngu mbobuca nguwenya, sunu, amuya myaaka. Ijwi Lyakwe liciponya balwazi. Calo ncikankamanisyo, masimpe.

¹²⁴ Wa kabusya bafu, buumi bufwika nibwakazwa kuli mbabo; Lazaro, imwana wa mwanakazi waku Naini, amwana musimbi wa Jairasi. Wa kabusya bafu, ku Ijwi Lyakwe, nkaambo Walo ndi Ijwi.

¹²⁵ Elyo mpawo cintu cimbi cipati, mu kujala, ku tondezya kuti Wa kali Mesiya. Ku tondezya obo Mbwa kabede, Wa kacita kuboola mu maccililanwa, a bwiinguzi, ku Ijwi. Elyo Ijwi lyakati, cindi Na ka kanana ku musinsimi, “I Mwami Leza wanu uyo busya Musinsimi mbuli ndime.”

126 Kwakali bantu banji bakabusigwa. Elyo kwa kali, kwa myaanda a myaanda ya myaaka, tiiba kajisi musinsimi. Oh, ba kali jisi bapaizi a bantu balemu, elyo mbuli mbo tubala makani akale akati ka mweenya wa ciindi ca Malaki a Matayo, myaka ili myaanda yone, kwakali bantu balemu. Pele kwakanyina musinsimi.

127 Elyo mpawo cindi Na kasika a cilao, ku tondezya kuti Wa kali baabo Baefeso bakayubululwa, Johane waka caambilizya. Pele Jesu wakali Oyo, Wa kali Ijwi lyakayubululwa, Mwini.

128 Cindi Petro nakaboola kuli Nguwe buzuba bumwi, antoomwe a Andreya, zina lyakwe wakali Simooni. Elyo cindi Jesu kaimvwi awo, takalina mubwene mwaalumi mu buumi Bwakwe, (amuswiilile kabotu) cindi Na kaima awo a kulanga mwaalumi, a kwaamba, “Zina lyako ngu Simooni, elyo uli mwana wa Jonasi.” Eco ncikankamanisyo. Masimpe mbo cakabede. Ncancobeni cakali cikankamanisyo.

129 Elyo cindi Filipino, kaimvwi awo, kamvwa eci a kuziba kuti cizibyoo coonse eco cakali Mesiya, mbwa kabede cancobeni. Wa ka cisyoma. Ta kajisi cinywe, alimwi takali moofu. Wa kazuzaana oonse a nkomwe, kwa mamaile masyoonto, a kubweza mweenzinyina, utegwa Nataniyele. Elyo cindi nakaboola keenda kumbele. . . I lusyomo lwa muntu oyo, olo lwakali kukonzya kuleta umwi umbi ku muswaangano, ku kubona!

130 Cindi nakeenda kumbele lya Jesu, Jesu wakati, “Amubone, ngooyo muna Israyeli, muli nguwe mutakwe luuni.”

131 Ca kagambya mwaalumi. Wa kati, “Ndelili Noka ndiziba?” Lino amulangilile, eci tacilangilwi. Ta—ta cikwe bupandulule. Wa kati, “Mbobuti Mbo kasola kundiziba?”

132 Kati, “Filipo katana kwiita, cindi noli mumsi aa cisamu, Nda kubona.” Ii cikankamanisyo!

133 Wa kali kweelede, kwiinda ku Samaria. Elyo cindi Na kainda ku Samaria, muunzi wa Sukamo, Wa kali kkede abusena awo kalindila basikwiiya Bakwe kweenda kuyo ula zyakulya. Elyo, amubone, mwanakazi wakayutukila ku mukalo, wa mpuwo mbyaabi. Elyo Wa kati kuli nguwe, “Mwanakazi, koya Ndi letele akunywa, na Ndi letele akunywa.”

134 Elyo waa kati, “Tacili cilengwa kuli Nduwe kulomba ceeco. Tuli, Ndili Mujuda. . . na muna Samaria, nkabela Uli Mujuda. Ta tu—tu jisi zya kucita a Nduwe.”

135 Wa kati, “Pele ikuti nolizi Oyo ngo kanana awe!” Amulangilile eci cikankamanisyo cilibambila kucitika. Muta ciimpyi. Kati, “Mbobuti—mbobuti mbo konzya kucita, kwaamba ceeci? Mebo, Ndili mwanakazi waku Samaria, nkabela Uli Mujuda. Ta tukwe caku cita.”

¹³⁶ Wa kati, “Pele ikuti nolizi Oyo ngo kanana awe, na Nguni ukanana kuli nduwe, inga—inga nowa Ndi lomba akunywa.” Elyo Wa kazumanana kusikila Wa kajana eni awo penzi lyakwe mpolya kabede. Elyo Wa kati, “Koya kalete mulumi wako muboole okuno.”

Elyo waa kati, “Nse jisi mulumi uli oonse.”

¹³⁷ Wa kati, “Obo mbwini. To jisi mulumi, nkaambo waka jisi bosanwe, alimwi oyo ngozona awe lino tali mulumi wako. Nkikaako, waamba bwini.”

¹³⁸ Waa kati, “Munene, Nda ziba kuti Uli musinsimi.” Tiiba kalibwene umwi kwa myaka ili myaanda. Kati, “Tu lizi i—i Mesiya ulaboola, elyo, cindi Aboola, Uzo twaambila zintu ezi.”

Wa kati, “Nde Ndime.”

¹³⁹ [Kabeela katakwe cintu aa teepu—Mul.] Cakali cikankamanisyo cakasimpikizigwa, alimwi cakajanwa kuba Bwini bwa Makani mabotu; Makani mabotu ayo akasyomezya ceeci, elyo mpaawo cakacitika a kusimpikizigwa boobo mbo cakabede.

¹⁴⁰ Lino andimupe cikankamanisyo cipati cibotelezya awa, kwakaindi buyo kaniini. Muli Johane 14:12, Jesu wakati, kasyomezya kuti, “I musyomi oyo waka syoma ali Nguwe, inga uyo cita milimo njiyonya.” Sa mbombubo? Leza, Oyo upanga mulao na cisyomezyo, weelede kubamba cisyomezyo eco, kuba Leza. Ula cibamba. Ku yeeya, Leza... Baa, Calo ncikankamanisyo, Lwaco; kuli Leza, Oyo upanga cisyomezyo alimwi takonzyi kutyola cisyomezyo eco, kupa cisyomezyo eco ca zintu Nzya kacita, ku bantu Bakwe, kutobela mu bukkalo boonse mane Aka boole alubo. “Kamuya mu inyika yoonse, mukakambauke Makani mabotu ku cilenge coonse; cilenge coonse, inyika yoonse. Oyo usyoma a kubbizigwa uyo futulwa, alimwi oyo utasyomi uyo zulwa; elyo zitondezyo ezi ziyo batobela abo basyoma.” We elede kubamba Ijwi eelyo. Elyo nkaambo kakuti Wa kacaamba, cakazwa ku mulomo Wakwe, ceelede kuzulizigwa.

¹⁴¹ Lugwalo loonse lweelede kuzulizigwa. Aboobo ncikankamanisyo, cilikke, kumvwa Jesu, Mwana wa Leza, kabamba kaambo mbuli kooko, “I zintu ezyo Nze cita muyo cita anywebo.” Lino Bbaibbele lyakati, mu Bahebrayo 13:8, “Ngu mbobuca nguwenya, sunu, amuya myaaka.” Eci ncikankamanisyo, nkaambo ceelede ku citwa. “Majulu a nyika ziyo loba, pele taakwe Ijwi neliba lyomwe elyo Ndye kasola kwaamba liyo sola kukakilwa,” Wa kaamba. Lye elede kucitwa.

¹⁴² Lino, beenzuma, Ndi syoma kuti Ngu mbobuca nguwenya, sunu, amuya myaaka. Nda syoma kuti Ula konzya ncobeni masikati aya kucitya, mu buyake obu, cikankamanisyo, nkaambo kakuti Wa kasyomezya kuti ciyo citika.

¹⁴³ Elyo nkunji buti Nkwa kasyomezya, nkunji buti mbocisololela mu Bbaibbele, kuli mbubonya bukkalo obu mbo tupona, Baefeso alubo, ba makkalo aa mbungano. Tu jisi makkalo aa mbungano ali ciloba, alimwi twa kasyomezegwa eco kuti ku Bukkalo bwa Mbungano ya Laodikeya kuyooba ina Efeso imbi. Mbo mbubo. Elyo tuli waano. Nda syoma, a moyo wangu oonse, kuti Jesu Kristo Oyo wakabamba cisyomezyo. . .

¹⁴⁴ Mbuli Mbwe kaamba mu mulumbe wangu wamamanino, nkeimvwi kuyaama ku bwaanda, ni Nda kali kokuno mvwiki zisyoonto zyainda. Ciindi coonse weenya munwe wako, oko kula kuzunguluka a kuzunguluka inyika, ta ku kaleki. Kweenda koonse nkobamba, uyo kubona ku Lubeta. Cipekupeku cilatondezya kuti cili waano, mwaakwe wane. Nkaambo, cipekupeku tacipangi zifwanikiso, ciinzya buyo mayuwe ayo mu tyubbu, elyo mwabona zifwanikiso. Mubala, zintuzyonse, kufumbwa cintu ceenda eco cicitika mu inyika, cileenda kuzunguluka ncobeni kwiinda awa lino, kupanga rekordi. Buzubabumwi, rekordi yako iyo jalwa, elyo uyo ingula ku rekordi eyo. Mbo mbubo.

¹⁴⁵ Leza, ndilekele nsanganisigwe maningi, andifwe maningi kuli lwangu a kufumbwa cintu cili muni lyangu, pele kupakamana ku Ijwi lya Leza lipona akati kesu sunu!

Atu kombe.

¹⁴⁶ Mwami Jesu, Uli cikankamanisyo, cindi Leza nakaba mu mubili wabuntu. Nda komba, Taata Wakujulu, kuti Uyo liyubulula Omwini masikati aya, kutondezya kuli ndiswe awa sunu. Kutali biyo kutondezya kuli ndiswe. . . Kuli, Nda yeeyela, mapeseenti ali makumi alifuka, na bairinda, aa bantu bakkede awa, basyoma obo, Ijwi lyoonse. Pele kutegwa tu Ku bone alubo, aku tuzibya kuti Ijwi eli Ndyo kaamba, elyo liceenda kuzunguluka a kuzunguluka inyika, mbubonya mbuli rekordi, atu njile mu rekordi eyo, sunu, Mwami. Tu lekele kunjila alimwi kuta limvwa buyo mbuli mbo lya kaboola lwabili, kuzwa ku mulomo wa muntu; pele lekela mulomo oyo, a muntu a bantu, boonse bakkede awa, babe Ijwi Lyako. Tuli libambilide kufwa, Mwami, ku mizeezo yesu ini, ku Ku bona buyo kobamba cisyomezyo Cako, “I zintu Nze cita muyo zicita anywebo.” Nda komba kuti Uyo pa eci mu Zina lya Jesu. Amen.

¹⁴⁷ Katutana buyo kwiita mundando wa mipailo. Nda kajisi kulya kuniini kwa aisikrimu buzuba bumwi, a dokotela mweenzuma wakale. Wa kati, “Ndi yanda ku kubuzya cintucimwi, Billy.”

Nda kati, “Ncibotu.”

¹⁴⁸ Kati, “Sena ula syoma mu. . .” Nkonkuko Nkwe kajana muyeeyo oyu, *cikankamanisyo*. Kati, “Sena ula syoma mu cikankamanisyo?”

Nda kati, “Masimpe.”

149 Wa kati, “Ndi—Ndi lizi ula cita.” Wa kati, kandaambila kujatikizya muntu umwi oyo wakaponesege, waka kombelwa; kuti wa kasambala misamu ya kasuntu, kwa myaka, ziindizimwi bakali kunga baba akuganyuka kuli ciloba na lusele a buzuba; minsamu yanguzu. Elyo wa kati, “Taakwe nikwa kajokela limbi. Elyo Nda babona ciindi coonse; taba kabi ankuko limbi pe.” Kati, “Ndi yanda ku kwaambila cintucimwi, ku kuzibya buyo kuti Nda—Nda syoma eco nco wambaula.”

150 Wa kati, “Muciindi cabuyumuyumu bwabuponi, mwana wangu okuno wali ku cintoole.” Kati, “Wa kali—wa kali kulindila mulombwana ubaanga muniini, kaamba buyo kuti wa... Ba kaliimvwi kuselelo lya mundando, kuyanda musamu.” Elyo kati, “Ii mwaalumi wazosika okuno, alimwi waka jisi mukaintu wakwe,” kati, “mwanakazi muubauba, waa kali... Inga wamulanga a kubona kuti wakali kutandila kutumbuka ku ciindi cili coonse, i mwana.” Elyo kati, “Ta kali kukonzya buya kwiima limbi mu mundando oyo pe, aboobo wa—wa kaleta mukaintu wakwe mu mulyango, a kuyaama buyo ku kkuko lyakwe.”

151 Elyo kati, “Mulombe wangu wakaunka kutala, kati, ‘Sena Ndi mugwasye?’ Kati, ‘Iyi,’ kati, ‘mboobu bulembo bwa busilike kuzwa kuli dokotela. Pele,’ kati, ‘Ndi yanda ku cizibya kabotu kuli nduwe.’ Kati, ‘Ndi... tatuna bweza mali pe.’ Kati, ‘Tuyo ubweza kuzwa ku cooko cilyendeleya, pele mukaintu wangu takonzyi kwiima kwa ciindi cilamfu. Dokotela wakati inga ula pegwa musamu ndyoonya lino.’ Elyo wakati, ‘Ikuti na uyo mupa musamu ncobeni, Nda unka okuya a kwiima mu mundando mane Ndi—Ndi bweze mali kuzwa ku cooko cilyendeleya.’

152 “Elyo mulombe wakati, ‘Munene, Nda usa.’ Kati, ‘Ku lwana milawo yesu—yesu okuno, kupa musamu kota jisi mali.’ Nywebo mulizi ziindi mbozya kabede mu mazuba ayo. Elyo wakati, ‘Ndi—Ndi limvwa kuusa nkambo ka nguwe, pele Nse konzyi ku cicita.’”

153 Kati, “Nda kali kkede kusule awa nkebala pepa. Elyo Nda kazolanga mujulu, elyo,” kati, “cintucimwi ceenzu caka kasaazyu moyo wangu.” Kati, “Nda kaunka kumbele, Nda kati, ‘Lindila aniini, mulombe, lindila aniini.’ I mwaalumi waka talika kuzwa ku mulyango, wa kati, ‘Ee, kuli kabotu, mulombe,’ katalika kuzwa ku mulyango.” Elyo kati, “Nda kati, ‘Kwakaindi buyo kaniini,’ kati, ‘ino eco cali cinzi?’ Wa kati, ‘Ee, oyu mwaalumi...’ Wa kacipandulula kuli nguwe.”

154 Wa kati, “Andi bone bulembo bwa busilike.’ Kati, ‘Lindila buyo kwakaindi kaniini, mulombe, Njo kubwezela musamu.’”

155 Kati, “Nda kajokela a kunyonganya bulembo bwa busilike dokotela mbwa kalembede aa pepa lyakwe.” Elyo kati, “Nda kaunka kutala okuya, elyo nkejisi mali ayo.” Kati, “Koapa kuli nguwe, mukutaziba na ni Nda kaubweza na pe, pele Nda kayeeya

buyo kuti inga Njo bweza.” Kati, “Nda kamvwa buyo kuti Nde elede ku cicita.” Elyo kati, “Billy, cindi ne Nda kabikka musamu oyo—oyo mu janza lya mwanakazi oyo,” kati, “wa kali Mwami Jesu.” Kati, “Nda kabona Muntu kaimvwi okuya.” Elyo wa kati, “Nda kabala kuzwa ciindi eco, kuti Lugwalo lwa kati, ‘Mboonya mbuli mbo mwa kacitila basyoonto aba, bana Bangu baniini, mwa kacitila Ndime.’” Wa kati, “Billy, ncinzi cakacitika ku meso angu? Sa Nda kacibona ncobeni?”

¹⁵⁶ Nda kati, “Iiyi, munene. Nda cisyoma. Nda syoma kuti wazulizya mulimo wako mbuli musambazi wamisamu, mu kubula kwa cibukilambuta mbuli kooko. Jesu wakati, ‘Eco nco mwa kacitila baaba bamwi, mwa kacitila Ndime.’ Nda cisyoma.”

¹⁵⁷ Elyo Nda syoma cintu nciconya eco sunu, mpoonya awa ciliko a bantu aba, kuti Jesu Kristo ulakonzya kuliyubulula Mwini, kuli panga Mwini kuba Ijwi lyakaba mu mubili wabuntu akati kesu masakati aya. Sa mula cisyoma? [Mbunga yaamba, “Ameni.”—Mul.] I Mwami amu longeze.

¹⁵⁸ Lino tuyo ita makkaadi aa mipailo, kutegwa bantu baboole. Elyo ta tukonzyi kubweza manji loko, nkaambo Ndi yeeya kuti lino, ikuti na Ndi langide kabotu ku nkoloko, Ndi jisi maminiti ali makumi obilo aosanwe kusikila mpo tweelede buyo kujala aa foo okuloko, a ciindi, pele tuyo zumanana. Lino atu talikile kuzwa ku kaadi lya mipailo, Nda syoma lyali A. Lyali ndilyo na? A, atwe ende kuzwa kuli A, litaanzi.

¹⁵⁹ Nguni ujisi kkaadi lya mipailo A, litaanzi? Kumwiita buyo omwe a ciindi, aboobo ikuti na ula sunkuta tula konzya ku kubweza. Yaa. Kkaadi lya mipailo A, litaanzi. Nguni uli jisi, tambika janza lyako, kubusena bumwi mu buyake? Kkaadi, kusule oko maningi. Sa inga waboola, mulindu, ikuti na ula konzya. Litaanzi, lyabili, nguni ujisi kkaadi lya mipailo ilyabili? A, lyabili, sa inga watambika janza lyako ikuti na yebo. . . Ulakonzya kweenda na? Yaa, koboola nkoonya okuno, kosika ku lubazu olu. Lyatatu. Ikuti na watambika janza lyako mpoonya biyo, Nda—Nda konzya ku kubona, ta tu kolindila kwa ciindi cilamfu. Mweelwe wa kkaadi lya mipailo lyatatu, inga watambika janza lyako. Yaa, mwaalumi anselelo awo. Yaa, boola okuno, munene.

¹⁶⁰ Mweelwe wa kkaadi lya mipailo lyane, inga watambika janza lyako cakufwambaana lino, mbuli buyo kufwambaana mbuli mbo konzya. Mweelwe wa kkaadi lya mipailo lyane. Yaa. Mweelwe wasanu. Mbuli mbwe ita buyo, ko imikila, mweelwe wasanu. Yaa. Mweelwe wacisambomwe, mweelwe waciloba, mweelwe walusele, mweelwe wafuka, kkumi—kkumi. Lino, litaanzi, lyabili, lyatatu, lyane. . . Kkumi, yaa. Kkumi alyomwe, kkumi aabili, kkumi aotatwe, kkumi aone. Sa wali kuboola, munene, kkumi aone? Yaa. Kkumi aone, kkumi aosanwe. Ee, oko,

oko kuyooba . . . Ayo alaba manji ndyoonya lino, ayo alaba manji ku masakati aya, nkaambo ta tu jisi ciindi cinji maningi.

¹⁶¹ Lino amulange. Ndi yanda kuti mudi swiilile cakumaninina. Lino, Jesu wa kapanga cisyomezyo eci, kuti, “Ii kaindi kaniini, elyo inyika taika Ndi boni limbi, nekubaboobo nywebo muyo Ndi bona.” Sa mula syoma eco? [Mbunga yaamba, “Ameni.”—Mul.] I “inyika,” i *inyika*, bwalo “mbubambe bwa inyika.” Mwabona, kuti, Wa kalizi kuti inga bayo zumanana kuleya kunjila muli busyaasunu a zintu. “Pele tabaka Ndi boni limbi, nekubaboobo nywebo muyo Ndi bona.” Nkambo Wa kasyomezya, “Njo oba andinywe, akwalo kusikila kumamanino aa inyika.” Sena mbombubo? [“Ameni.”] Elyo Bbaibbele lyakati, Bahebrayo 13:8, “Ngu mbobuca nguwenya, sunu, amuya myaaka.” Mula syoma obo na? [“Ameni.”] Eco ncisyomezyo.

¹⁶² Lino, ta mweelede kuba atala awa, kutegwa muponesegwe. Cintu biyo nco mweelede kucita nkusyoma Ijwi eelyo kuba Bwini. Lino Ndiyo mulomba, ikuti na muyo konzya, kuba buyo babateme a kuumuna kwa ziindi buyo zisyoonto.

¹⁶³ Sena boonse babo banjila, Billy? Kuli obilo aatako, otatwe aatako? Waamba nzi? [Ii mukwesu wati, “Otatwe ambi.”—Mul.] Otatwe ambi? Mweelwe watatu, mweelwe wa kkaadi lya mipailo lyatatu. Ino, buti, ino ndi bbala nzi lina Mexico lya eelyo, lyatatu? Sa kuli umwi ukonzya kulyaamba? [Muntu umwi wati, “tresi.”] Yaa, masimpe balimvwa. Ino, oyo, kufumbwa oyo ujisi kkaadi elyo lya mipailo, koboola mu mundando, sa ulacita? Oh, inzya. Oh, Ndi yeeya kuti wali muntuumwi wali jisi, nkabela taa cizi, elyo baswena musule. Yaa. Lino, lino nzila kujatikizya . . .

¹⁶⁴ Sena bantu boonse lino mwasyoma a moyo wanu—wanu onse? Ee, atu paile alubo mpawo.

¹⁶⁵ Mwami Jesu, lino tula mvwisya kuti tula konzya kubala Ijwi, a luzibo lwesu lubotu kwiinda, ku Li pandulula. Pele, Mwami, Nduwe Olikke ukonzya ku Li simpikizya. Nduwe Olikke ukonzya kwaamba kuti Lili luleme na lililubide. Elyo, Taata, Nda komba sunu kuti Uyo lekela meso aa bantu kujuka. Akube kuti tubone cikankamanisyo masakati aya, buyo, Mwami, kunji kulekela bantu kubona kuti Nkoli, kuti Yebo toli—toli uutako, kuti Ijwi Lyako ngu mbobuca ndilyonya, sunu, amuya myaaka. Nkambo, Uli Ijwi eelyo. Ku kaambo ka balwazi, Mwami, ku kaambo ka baabo bapengaana; banji ambweni bali wano kuzwa ku zibeela zyandeene aa cisi, zibeela zya cisi, ba leelede . . . bala pengaana loko, tiiba konzya kubotelwa miswaangano, kubumbi, ikuti na tiiba kaponesege. Nda komba kuti Uyo baponya. Ko cipa, Mwami. Elyo lino tuli bantunsi buyo bakunyama, alimwi tu konzya biyo ku kambauka Ijwi a kwaamba ceeco Nco kaamba kuba Bwini, lino Yebo Nduwe weelede kulibamba kuba kasimpe. Nda komba kuti Uyo cipa, mu Zina lya Jesu. Ameni.

166 Lino inga Nda yanda buyo kuswiilila kwanu kumaninide, kwakaindi buyo kaniini, alimwi ikuti na bantu bonse inga bakkala buyo lino kwa maminiti masyoonto. Lino, kuciimo mbuli Mbwe ndizi, mubwini, Ta ndizi naba omwe oyo Ngwe konzya kubona mu i—mu buyake, oyo Ngwe konzya kuziba kumasena ayo. Lino, tamweelede kuba okuno kutegwa muponesegwe, kufumbwa muntu ulizi obo. Mwabona?

167 Kwakali mwanakazi muubauba, ciindi cimwi, taaka konzya kujana kkaadi lya mipailo, mbo tunga twaamba, elyo waa kagama cikobela Cakwe. Elyo Wa kavuulukka a kulanga, elyo kati, “Nguni wa Ndi guma?” Elyo boonse baka kukaka. Elyo Wa kalangalanga koonse a kubona mwanakazi oyu muubauba. Ta kakonzya kulisisa mwini, nkaambo, mwabona, Muuya wa Leza, oyo wakali muli Nguwe, ka Mu sololela. Wa kali Ijwi. Elyo Wa kasololela kugama kuli nguwe, elyo Wa kamwaambila obo penzi lyakwe mbo lyakabede. Waa kali kuciswa kuzwa bulowa, nkabela wa kaponesegwa. Waa kacisyoma. Elyo mpoonya biyo, mu mubili wakwe, waa kalimvwa kuti kuzwa bulowa kwakaleka, (sa mbo mbubo?) kwakaima kukunka mpoonya awo.

168 Lino Ucili mbubonya buyo asunu. Tamweelede kuba okuno. Lino, Bbaibbele lya kaamba kuti mu Cizuminano Cipyaa lino, kuti, “Jesu Kristo Mupaizi wesu Mupati.” Sa tula syoma obo? [Mbunga yaamba, “Ameni.”—Mul.] I Mupaizi Mupati alikke ngo tu jisi, Sikutu kombelezezya alikke ngo tu jisi akati ka Leza a muntu, walo Muntu, Kristo Jesu. Sa mulasyoma obo? [“Ameni.”] Elyo Bbaibbele lya kati, “Ngu Mupaizi Mupati oyo ukonzya kugumwa ku kulimvwa kwa kulengauka kwesu.” Sa mbo mbubo? [“Ameni.”] Mbangaye bazi kuti obo mbwini? Tambika janza lyako kutegwa ba... Yaa. Nseli akati ka bweenzu, aa Ijwi eli.

169 Lino mbobuti Mbwanga Wa cita kuti wa Mu guma? Ula konzya kucita mbubonya Mbwa kacita cindi Na kali waano, nkaambo Ngu mbobuca nguwenya, sunu, amuya myaaka. Sa mbo mbubo? [Mbunga yaamba, “Ameni.”—Mul.]

170 Lino ko syoma buyo. Amba buyo, “Lino, Mwami, Ndali mu muswaangano Nje kaliko, pele Ndiyo syoma buyo, sunu. Ndi—Nse kobweza nouba muyeeyo wangu pe. Ndiyo syoma buyo a moyo wangu oonse, kuti Uli waano. Elyo Ndi jisi kubula, elyo Yebo buyo. . .Kondi gwasya, Mwami.” Mwabona? Lino ko cita boobo. Uta libiliki; kobatama buyo—buyo cakusyomeka.

171 Ii cipego ca lusyomo tacili cintucimwi nco bweza a kucita cintucimwi ancico. Ii cipego ca lusyomo nkuligusya buyo lwako mu nzila. I cipego nkuli gusya lwako mu nzila.

172 Lino mpaawa kwiimvwi mwanakazi. Taata Leza ulizi, kuciimo mbuli Mbwe kazi lyonse, Nsena mubwene mwanakazi mu buumi bwangu. Mweenzu cakumaninina kuli ndime. Pele,

alimwi taakwe bantu batandila kuli bobilo na botatwe Mbe konzya kubona okuya, Nda cita.

173 Ndi yeeya kuti oyu ngu Muka. Vayle ukkede awa, mukaintu wa Mukwesu Lee. Nseli masimpe. Mpawo Ndi lizi balombe abo botatwe na bone bakkede mpoonya ambali awa. Kuciimo mbuli Mbwe zyi, nkukoonse oko Nkwe bwene mu muswaangano ku ciindi eci, abo Mbe zyi. Nda syoma oyo Mukwesu Anthony Milano ukkede awo, kuzwa ku New York. Mukwesu Pat Tyler kuzwa ku Kentucky. Kunze lya boobo. . . Ndi lizi Fred Sothmann mwali omuya abusenabumwi, Nda mumvwa kaongolola “ameni” kaindi kainda. Ayo, nge magolelo, alimwi Taata Wakujulu ulizi obo.

174 Elyo oyu mwanakazi wiimvwi awa, elyo Nsena mubwene. Nse kwe muzeezo wa ceeco ncali waano. Walo mwanakazi buyo waboola atala awa aa cibumbili, mbubonya mbuli mbo mukkede awo.

175 Lino, ikuti na oyo mwanakazi uli mu kubula, ee, mpawo Ndi—Ndi, ikuti na Nda konzya ku mugwasya, inga masimpe Nda—Nda cicita. Pele lino Ndi—Ndi. . . Eco ciyaamina buyo ali ceeco ncabulide. Ikuti na ali mali, inga Nda—Nda somona madollar osanwe na kkumi. Kunze lya ceeco, Ta ndizi, mwabona, kwayanda Nda mupa ceki lyalembwa kuyo pedwa mali buzuba bumbi, mane Nka vole mweezi utobela. Pele lino ino kuti ujisi penzi lya kung’anda? Mpawo inga Nda amba, “Koya kalete mulumi wako, twaambaule antoomwe, ambweni Nda konzya ku kugwasya. ‘Nse jisi nzila yakusika kung’anda’? Ee, Njo lomba muntumwi ikuti na inga waku tola, ku kutola kung’anda, kuunka munzila yako. Ukkala kunselelo mu kagwagwa kali kuselelo okuno?” Na kufumbwa mbo kubede, Ta ndizi. Pele ikuti na nkuciswa, mpawo Ta—Ta ndizi. Mwabona? Pele Ta ndimuzi mwanakazi.

176 Pele kuli Muntumwi awa, Ijwi eli, elyo lyakasyomezya, “I zintu ezyo Nze cita muyo cita anywebo.”

177 Lino, antela, ino kuti oyu mwanakazi uli cisidwe, ambweni ujisi kkulenge, ambweni ujisi TB, alimwi, na cintucimwi eco musamu nco uta konzyi kugwasya ali eci—ciimo eci? Ee, lino, Nse konzyi, Mebo taakwe nekonzya kuponya mwanakazi.

178 Pele lino ikuti na Ula konzya kuyubununa kuli ndime eco nca yanda, mbubonya buyo Mbwa kacitila mwanakazi ku mukalo, na mbuli Mbwa kaambila Nataniyele, na—na kwaambila Simooni zina lyakwe mbo lyakabede. Kati, “Zina lyako ngu Simooni. Uli mwana wa Jonasi. Kuzwalino uyo tegwa *Petro*, elyo lyaamba kuti ‘kabwe kaniini.’”

179 Ee, lino, ikuti na inga Wa cita cintucimwi mbuli ceeco omuno mu busyu bwanu nyoonse, eco ciyo tondezya kuti elyo Ijwi ndya Mbwini. Lino, mbangaye bayo syoma obo? [Mbunga yaamba, “Ameni.”—Mul.] Sa kuli muntu uli onse awa umuzi

mwanakazi, tambika janza lyako, kufumbwa bantu mu buyake? Inzya, bunji bwanu muli muzi. Yaa. Elyo Taata ulizi kuti Ta ndizi. Ee, lino, atu bone buyo Ncayo wamba. Elyo eco, sa inga caba cikankamanisyo? [“Ameni.”] Ta ndizi cintu cilubide kuli nguwe. Nse zyi ncali waano pe, na taakwe cintu kujatikizya nguwe. Pele Leza ulizi eco.

¹⁸⁰ Ndiyo kanana ku mwanakazi. Lino oyu ngo muntu mutaanzi Ngwe kajisi kumbele lyangu, kutandila myeezi yotatwe. Lino Ndi yanda buyo ku kanana ku mulindu, kwakaindi buyo kaniini. Elyo oko nkutyeni? Kukwaba muuya wakwe. Mbubonya mbuli Jesu mbwa kacitila mwanakazi ku mukalo, kukwaba muuya wakwe.

¹⁸¹ Lino, ikuti na Mwami Jesu, mulindu, konzya kuyubununa kuli ndime eco cilubide kuli nduwe, na eco cintu nco boolela waano, na cintucimwi kujatikizya ncico, eco ncozi kuti Ta ndizi cintu comwe kujatikizya, na cintucimwi mu maccililanwa ayo, sa inga wasyoma kuti wali Nguwe? Inga kweelede kuba Nguwe, embo na? [Mucizi waamba, “Iiyi.”—Mul.] Inga kweelede kuba Nguwe. Ikuti na Uyo cicita, mpawo tuyo lumba toonse kuti tulizi tuli. . . kuti Ijwi Lyakwe lili luleme, mpawo tula konzya kubikka kaanzambwene muli ceeco.

¹⁸² Lino, ikuti na Ula konzya kuyubununa penzi lyako mbolibede, kuli ndime, alimwi ambebo mukuta kuziba, alimwi ulizi obo; pele lino ikuti na Ula konzya kuyubununa kuli ndime penzi lyako mbolibede, na cintucimwi kujatikizya nduwe, mpawo eco citondezya kuti kuli Muuya awa, abusenabumwi, oyo ukuzi, alimwi ulizi kuti Nse citi. Aboobo inga taaba muntu, inga waba Muuya. Elyo nce ncico Leza nca kasyomezya ku ciindi eci ca Efeso. Sa ula syoma obo kuba Bwini? [I mucizi waamba, “Iiyi, Nda cita.”—Mul.] Akube kuti Acipe.

¹⁸³ Ndi bona cintu comwe, uciswa cintucimwi mbuli mapenzi aa zipulo zyamu mpemo atala *awa* mu mutwe wakwe. Obo mbwini. Enco na? Tambika janza lyako ikuti na nce ncico. Pele kuciswa kwamu zipulo zyamu mpemo inga tii kwakupa kweesemuna akuzumanana mbuli boobo, aboobo ujisi ntuntumaanzi inyonganya meso mpemo akameneno, akwalo. Mbo mbubo. Tozwi ku Phoenix. Uzwa kooko kuli—kuli zilundu zinji, masamu. Uzwa ku Flagstaff. Mbo mbubo. Sa ula syoma kuti Leza ula konzya kundaambila kuti nduweni? [I mucizi waamba, “Iiyi.”—Mul.] Nduwe Muka. Earl. Inzya. [“Mbombubo.”] Mbombubo na, enco na? Lino koya, kosyoma, ciyo mana coonse.

¹⁸⁴ Lino sena Ngu mbobuca nguwenya, sunu, amuya myaaka? [Mbunga yaamba, “Ameni.”—Mul.] Lino, Taata Wakujulu ulizi kuti Nda zwaa kumubona mwanakazi. Mwabona Ijwi kusimpikizigwa. Lino, tensi ndime pe, Ndili muntu buyo. Mbubonya mbuli maikrofooni eyi, inoumwine kuti nke

taambauli kwiinda muli njiyo, na muntumwi. Elyo mbwabede awalo muntu kuumuna buyo. Pele walo Muuya, alimwi oyo Muuya nkouli mpoonya awo akati kanu. Mwabona? Walo musilisi, kutali ndime.

¹⁸⁵ Wapona buti, munene? Mwaalumi umbi oyo muntu mweenzu kuli ndime. Nse muzi mwaalumi. Lino, kuciimo mbuli Mbwe zyi, Nsena mubwene mu buumi bwangu.

¹⁸⁶ Pele lino Muuya, Muuya Uusalala, Muuya Uusalala a Jesu Kristo walo Muuya omwe. I Oyo unanikidwe, Jesu, Muntu, wakali Mwana wa Leza, pele Muuya Uusalala wakali ali Nguwe wakali Leza. “Taata Wangu ukkala muli Ndime.” Mwabona, Walo Muuya Uusalala, aboobo ucili Leza.

¹⁸⁷ Lino ikuti na Nda konzya buyo kuligusya lwangu, mwaalumi oyo inga waligusya mwini, kuzwa mu nzila, mpawo eco cibeela cili fwide, mpawo kulekela Muuya wa Bumi kubeleka. Mwabona? Nke kaambo Nce lindila kwa kaindi buyo kaniini, ku bona eco cicitika kusikila bunanike bwatalika.

¹⁸⁸ Ikuti na Mwami Leza, Mukamwini Busyu motubede, uyo yubununa kuli ndime, munene, obo penzi lyako mbolibede, na cintucimwi nco kacita, na—na cintucimwi kujatikizya nduwe, cintucimwi buyo. Mubwini, mubunji motu kanana, mubunji inga caunka. Pele, bona, kuli bamwi baimvwi mu mundando. Pele ikuti na Uyo ndaambila buyo obo penzi lyako mbolibede, sa uyo ndisyoma kuba mulanda Wakwe, a kusyoma kuti Nkwali? [I mukwesu waamba, “Iiyi.”—Mul.] Ii kupasukilwa kwamukati. Mbombubo na? [“Masimpe mbokubede. Iiyi.”] Mbubo.

¹⁸⁹ Lino wati, “Mbobuti oko mbo kwakacitika?” Nda lombozya ni Nda lizi. Kunyina muntu ukonzya kupandulula ceeco. Eco ncikankamanisyo. Mwabona?

¹⁹⁰ Nceeci, kutegwa uzibe, Nda bona cintucimwi cimbi, kulangwalangwa; jisi penzi lya moyo, akwalo. Tambike janza lyako. Ba. Anderson, mula konzya kuunka kung’anda lino, Jesu Kristo uyo kubamba kuba kabotu. Mbo mbubo. Kosyoma buyo, koba a lusyomo. Uta donaiki.

¹⁹¹ Wapona buti, munene? Tuli beenzu kuli umwi aumwi. Nse kuzi. Kuciimo mbuli Mbwe zyi, nciindi citaanzi Nce sola ku kubona, kuli ndime kuziba. Mbo mbubo. Pele Uli tuzi, tobilo lwesu.

¹⁹² Lino sa ulizi kaambo eci nce cicitikila? Lwalo nduzyalo Lwakwe lwa cizumizya, kuti inga caletela bantu aba kutweluka Leza. Lino, mukutaziba cintu kujatikizya nduwe, akwalo mukuta kuziba kuli koonse, muntu buyo mweenzu waboola okuno. Lino inga caba cikankamanisyo cakumaninina ca cintucimwi kucitika, ku—ku ziba eco calubide kuli nduwe, na cintucimwi nco kacita, na cintucimwi nco ta keelede kucita, na cintucimwi nco keelede kucita, na nduweni na cintucimwi kujatikizya nduwe. Inga ceelede kuba cikankamanisyo,

nkaambo kunyina nzila ku muntu uli onse kuziba ceeco, kunze lya ciyubunuzyo cimwi citabonwi. Mbo mbubo. Lino ikuti na Uyo cita ceeco kuli nduwe, akati ka nduwe a Ndime, kutegwa bbunga lyabantu. . .kutali mweebwa, pele kuti babone kuti i—i Efeso nkoili okuno, kuti eci nce cintu candaanya akati ka kabungwe a Inyika ya Bulemu. Wa ka cisyomezya, kutegwa bazibisigwe kuti eco nco tu lungulula Mbwini.

¹⁹³ Lino ku kuziba, yebo ulizi Nse zyi. Nkokuti, tambika janza lyako kutegwa bantu babone kuti yebo. . . Ta, Ta ndina mubwene muntu mu buumi bwangu. Muntu buyo wiimvwi awa. Buzya kufumbwa wabo. Pele uciswa kupasukilwa kwamukati. Akwalo ujisi kuzimba kwansinga ku muzindo. Mbo mbubo. Wa zwa lweendo lulamfu, kusika okuno. Yebo toli muna America akwalo. Uli muna Canada. Wa letelezya a mwana wako oyo ujisi penzi lya kuyeya. Obo mbwini. Uyanda kuti ndi kwaambile oko nkozwa? Uzwa mu cooko ca Sasketchewan, dolopo lya Saskatoon. Syoma buyo a moyo wako woose, a Leza uyo kujosya kung'anda koli kabotu, a mwana wako, ikuti na wa syoma. Wa cisyoma na? Leza aku longeze.

¹⁹⁴ Sena mwa syoma? [Mbunga yaamba, “Ameni.”—Mul.] I Mwami Leza ucili Leza. Mwabona? Taakwe uumbi cita Nguwe.

¹⁹⁵ Wapona buti? Ngooyu mulindu, mweenzu kuli ndime, antela mupatipati aniini. Ta ndina mubwene; pele walo—walo mwanakazi buyo wiimvwi awa. Ndi yo binda, nkaambo Ndi jisi maminiti ali ciloba na lusele lino, mwabona. Kolanga buyo okuno. Sena ula syoma kuti zintu ezi nzya bwini? A moyo wako woose na? Yebo ulizi nciyumu kuli ndime kuziba ceeco cilubide kuli nduwe, na cintu cili coonse kujatikizya nduwe. Pele tacili ciyumu kuli Leza kuziba, nkaambo Wa kalizi akwalo nyika kaitana kuba. Sa tabuli mbubo? [I mucizi waamba, “Mbo mbubo.”—Mul.]

¹⁹⁶ Mbangaye basyoma eco kuba bwini? [Mbunga yaamba, “Ameni.”—Mul.] Masimpe. Wa kalizi ciindi coonse ncoyo fwinya liso lyako. Walo mupatikampatila. Elyo amuyeeye buyo; kwiinda ku luzyalo Lwakwe Wa kazibya, a Makani Akwe mabotu, cintu nciconya Nca akasyomezya kucita. Mpawo ndeelyo Julu, alimwi tuya kuli ndilyo. Elyo tuli mu Efeso eyi ndyoonya lino. Tuli muli eyi, kuzwa kuli bumwi, kuya muli bumbi.

¹⁹⁷ Ujisi zintu zinji loko zilubide kuli nduwe, buyumuyumu bwakusilikwa, zintu zinji loko zilubide. Elyo tozwi kokuno. Yebo uzwa kumbo lya kokuno. Yebo uzwa ku California. Mbo mbubo. Ujisi mwana awalo oyo upenzegwa. Mbo mbubo. Yebo. . . Kuli cintucimwi, Ndi zumanana kubona maanzi na ziba pati ncobeni. Oh, cili, ujisi—ujisi muntu umwi uuli muni lyako, oyo ukkala mu Chicago, oyo undizi. Mbo mbubo. Obo mbwini. Lino, ulizi kuti Ta ndikuzi, pele sena ula syoma kuti Leza ulikuzi kuti nduweni?

Muka. McGuire. Waa tambula nkumbizyo yako. Koya kung'anda kolumba Leza.

Wapona buti? Uli muntu muniini singuzu.

¹⁹⁸ Pele kuciswa na malwazi tazilemeki ciwa ca muntu. Mbangaye bazi boobo? [Mbunga yaamba, "Ameni."—Mul.] Tuzi buyo kuti tazilemeki ciwa ca muntu.

¹⁹⁹ "Ikuti na wa syoma a moyo wako woose a buntu bwako boonse!" Oko kufundilila mu kaango kuyo kusiya ikuti na inga wa cisyoma a moyo wako woose.

²⁰⁰ I penzi lyamu camba, sena ula syoma kuti kuyo kusiya, ayebo, mucizi, alimwi inga waba kabotu? Ino waa guma nzi? Uli tukokola tuli makumi obile kuzwa kuli ndime, na kwiindila. Waa guma Simalela. Nku syaankana, kwa nsinga zya kuyeyela. Uyooba kabotu.

²⁰¹ Eci ncintu cibotu loko oyu mwanakazi muniini ncaimikilila awa. Walo mweenzu cigaminina. Ta ndina mubwene mwanakazi. Pele waa letwa okuno a muntuumwi umbi. Elyo eco camuleta okuno, nku kaambo kakuti waa mvwa teepu eyo Nje kapanga. Elyo uli waano kuyandaula lubbizyo lwa Muuya Uusalala. Nce ncico ncobeni ncali waano. Obo mbwini, mulindu muniini. Mbo mbubo. Boola okuno.

²⁰² Oyandwa Leza, oyu mwana wiimvwi awa, oyo uuli mukupasuka kuzwaku mudima kunjila mu Mumuni, akube kuti atambule Muuya Uusalala; kuya kung'anda yakwe a bayandwa bakwe, kuba tondezya ezyo zintu zipati Jesu nzya citila nguwe. Amen.

Leza aku longezye. Ta zumbauzyi. Kosyoma.

²⁰³ Leza ula konzya kuponya misyobo yoonse ya kulibilika a (sa ula syoma obo?) bulwazi bwakufundilila, a ku kubamba kuba kabotu. Sa ula syoma obo? Mpawo koya, syoma a moyo wako woose. Akube kuti Leza aku longezye, mukwesu.

²⁰⁴ Ino uli mupati buti? [I Mucizi waamba, "Makumi otatwe alusele."—Mul.] We elede kuzwa kuli kooko kulibilika kakutanaba ciindi cilamfu, embo na? Mukuba a misyobo yoonse ya mabibo akudekela, a zintuzyoonse zicitika kuli nduwe. Pele zya kusiya lino. Iiyi, munene.

²⁰⁵ Leza ula ponya kulibilika, penzi lya mwida, alyalo. Sena ula syoma obo? Mpawo koya ukalye kufumbwa nco yanda. Jesu Kristo wa kuponya.

²⁰⁶ Sena mula syoma kumasena oko, umwi umwi wanu? [Mbunga yaamba, "Ameni."—Mul.]

²⁰⁷ Kuli mwaalumi uukkede usamide ii—ii shaati, ulangide kuli ndime, inzya, mpawo wa langa aansu ku shaati lyakwe. Inzya. Sena ula syoma Leza inga waponya penzi lya gilandi, inga waku bamba kuba kabotu? Wali kusyoma mpawo (embo na?),

nciconya ciindi mulombe oyu muniini waponesegeka ku bulwazi bwa kufundilila mu kaango. Koya kung'anda, oyandwa, uyooba kabotu, ayebo, wabona. Syoma a moyo wako oonse.

²⁰⁸ Mulindu muniini uukkede muni lya mukaintu wako okuya, sa ula konzya kusyoma kuti meso ako ayooba kabotu, ayebo? Ula syoma na kuti Leza uyoponya penzi eelyo lya liso? Tambika janza lyako kuti na ncooli ku kombela. Mwabona?

Ino baka guma nzi? Jesu Kristo Mwana wa Leza.

²⁰⁹ Sena ula syoma? Sena ula syoma, mwaalumi mukubusyi? Leza ula konzya kuponya bulwazi bwa bulowa, ku bululamika, (uyo syoma obo na?) kogwisya zintu ezyo zya bulwazi bwakusuba akuba nyota loko a ku kubamba kuba kabotu. Sena ula syoma obo? Koya ka Mwa ambile ko cisyoma, alimwi kalye.

²¹⁰ Boola, munene. Ujisi penzi lya mwida. Sena ula syoma Leza inga wali ponya, kuli bamba kuba kabotu? [I mukwesu waamba, "Iiyi, Nda cita."—Mul.] Koya, ko cisyoma; uyooba kabotu, ko ponesegeka.

²¹¹ Boola, komuleta mulombe oyu muniini. Kolanga okuno, mwana. Laboola mu nyendo zilamfu. Ziindizimwi kucinca mu kulilemeka, kucinca mu bube bwaziindi, kuyo cicita, kuponya bulwazi bwa kufundilila mu kaango. Pele kuli umwi uponya ncobeni, Jesu Kristo Mwana wa Leza. Wa kapa Mwana Wakwe, kutegwa bwako bukonzye kuponesegeka. Sena ula syoma obo? Kocisyoma a moyo wako woose, elyo kuyo musiya. Uyo oba mu ciimo ceelede, muntu uuli kabotu. Leza aku longezye, mucizi.

²¹² Sena ula syoma? Sa Leza ucipanga zikankamanisyo? [Mbunga yaamba, "Ameni."—Mul.] I Citakwebupandulule, tacilangilwi, zintu ezyo bantu nzyoba takonzyi ku mvwisya nzila mbo cinga cakuba, pele cicili bwini, tabuli mbubo na? ["Ameni."] Lino mbangaye bali mukutweluka, a kuziba mu muuya wanu, kuti kweelede kuba Cintucimwi awa eco ciindilila kumvwisya kwa muntunsi?

²¹³ Lino, Nda yeeya twaita bantu nobaceya bali kkumi a bosanwe mu mundando oyo, umwi umwi wabo; a bone na bosanwe, cisambomwe, kuzwa okuya mu mundando, kakutakwe makaadi a mipailo, na kufumbwa baliko okuya mu mundando, okuya mu bbunga lyabantu awo. Pele tuli mpoonya lino aminiti yomwe buyo ya ciindi, ca kujala.

²¹⁴ Sa Wa cicita mbubonya buyo nzila Nja akaamba kuti Uyo cicita? [Mbunga yaamba, "Ameni."—Mul.] Lino mbangaye basyoma kuti Ngu mbobuca, sunu, amuya myaka, kutweluka Busyu Bwakwe? ["Ameni."] Lino mwabona Busyu Bwakwe. Lino meso anu abona, matwi anu amvwisya, alimwi Leza wasimpikizya, kumbele lya meso anu, Busyu Bwakwe. Elyo kuti obo mbo mulimvwa ciindi coonse, eco cimupa mulandu cindi mwa lubizya, a ku kwaambila kuta cita eco, ulya Leza nguwenya waba uulibonya kuli ndinywe awa masikati aya, mu milimo

Yakwe. Mbangaye baamba kuti “ameni” kuli ceeco? [“Ameni.”] Masimpe, mbo cibede. Lino Mpali ano.

215 Sa kuli umwi akati kesu, oyo uutanaba Munakristo; tanabede a ku lyaambilila zibi, tona unkide biya ku cikombelo? Walombwa imikila, a kwaamba, “Ndi yanda kwiimikila, kutali kuli nduwe, mukutausi; pele Ndi yanda kwiimikila Ne ncili mu Busyu bwa Muntu oyu, Jesu Kristo, Walo uuli Muuya Uusalala utweendelezya lino. Ndi yanda kwiimikila a kwaamba, ‘Ndi yanda Nduwe kuti undifutule kuzwa ku zibi zyang’u’?” Nku koonse Nkwe yanda kuti ucite, koimikila buyo, nkabela obo buyooba bumboni. Nku koonse nko tu jisi ciindi ca kucita. Kwaamba, “Ndi yanda kuba Munakristo.” Koima ku matende ako, elyo mpawo kokkala acuuno nkoonya kusule.

216 Sena kuli umwi mu buyake? Mbangaye bali mu buyake? Tii ndeedede kwaamba kuti, “Sa kuli umwi?” nkaambo inga kwaba banji kwiindilila omwe. Mbangaye mu buyake ba yooima ndyoonya lino, a kwaamba, “Nda kalubizya, Leza. Kondi jatila. Ndiyo imikila Ku kupa bumboni kuti Nda kalubizya. Ndiyo kkala acuuno Ne cili waano mu Busyu Bwako. Ndiyo kkala acuuno?” Koimikila buyo.

217 Sa kuli umwi, sa kuli banji kwiindilila ali omwe? Janza lyomwe. Leza aku longezye, mwaalumi mukubusyi. Sa kuli uumbi? Leza aku longezye. Sa kuli uumbi? Leza aku longezye. Leza aku longezye. Leza aku longezye, mukwesu. Sa kuli? Leza aku longezye, kusule okuya. Sena kuli uumbi, “Nda kalubizya. Leza, kondi jatila?” Leza aku longezye, munene. “Nda kalubizya. Nda—Nda usa, Mwami.” Leza aku longezye. Leza aku longezye. Leza aku longezye.

218 Sena kwakali muntu uli onse wa kali kuyeyela bubi ku mulimo oyu, elyo lino walamwa kuti mbwini? Nyamuka awo, a kwaamba, “Leza, kondi jatila.” Ko tambika buyo janza lyako, kwaamba, “Nda—Nda li kuyeyela bubi aniini, Mukwesu Branham; koonse kwamana lino.” Ko tambika janza lyako. Takukwe omwe? Nda lumba.

219 Mbangaye basyoma Eci? Nse konzyi kuba ndime; pele ngu Kristo, Mwana wa Leza. Nda lumba. Mpawo muyo bona zintu zipati kwiinda zeezi zya citwa, kufumbwa kuti mu kasyome. Amu kkale buyo a Kristo. Ndiyo cita nkwekonzya kwangu ku kkala ncobeni a Nguwe, lwangu.

220 Lino mbangaye okuno abo bacisidwe a babulide, ko tambika janza lyako, “Ndili—Ndili cisidwe, Mukwesu Branham, Ndili bulide?” Mwabona, kolanga buyo ku bantu. Lino sa muyo cita eci a kusyoma buyo ijwi lyangu kunji boobu? Atu bikke maanza esu ali umwi aumwi, kuciindi Ne cijatilide maanza angu kuya kuli ndinywe.

Atu kombe.

221 Oyandwa Leza, Nda leta kuli Nduwe bbunga lyabantu eli syoonto, masikati aya, oko nko twamvwa a kubala Ijwi lya Leza. Tu lizi kuti kabeela kalyo koonse Mbwini, nkaambo ndi Ijwi Lyako. Tii twali syoma biyo lino kuba lya bwini; tu lizi kuti ndya bwini. Twa ka kubona Yebo, Mwami, kocita cintucimwi eco ciyo bamba bantu kuziba kuti kucili . . . Kunze lya cikankamanisyo ca—ca inyika, a mwaakwe, a milao ya bulenge bwa Leza, tula konzya kubona awa kuti oko mulao wa lufu nkoubeleka mu mubili wa muntunsi, oko kwalo sayaansi nkoya kakilwa ku—ku silika kwiinda ku kubbutukizya kwabo. Elyo, Mwami, tuli kkomene ku bantu abo. Ta tukwe no tuba sampaula pe. Tuli lumbide nkambo ka mbabo. Pele, Mwami, cindi casika ku busena oko nko batakonzyi kucita limbi, lino twa bona janza Lyako pati kali njila; mukuziba kuti takukwe muntu uukonzya ku baponya, nkaambo inga waba dokotela, na kweelela kubweza cisilisyo. Pele ku bona Mwana wa Leza kaseluka, alimwi oyo wapanga cisyomezyo, kuti toonse tu syome muli ncico.

222 Elyo muntu aumwi jisilidi janza lyakwe, oyo utana futulwa, alimwi—alimwi wali kuyanda kufutulwa. Leza, cintucimwi ca cenjezya moyo wabo. Bamwi babo bati “baka lubizya,” ambweni kuwa alimwi bali kuyanda kujokela. Nda komba kuti Uyo josya umwi aumwi wabo. Nkambo baziba, Mwami, kuziba kuti . . . Bunji bwabo ndiza baka ndiziba, na kwangu, kwa myaka eyi yoonse, a kuziba kuti taakwe cintu cibotu mu muntu, alimwi kapati mebo. Mbobuti mbo kukonzya kuba cintu cibotu? Pele nekubaboobo babona Ijwi eelyo, lyalo Leza ndya akasyomezya, ku yubuluka. Ba zulwa kuti Bwalo Mbwini. Ba Bu tambula.

223 Banji awa Tee ndakonzya kuba leta ku cibumbili. Elyo, Taata, Ula ndipeda bulunguluzi, taakwe Ne ndaamba kuti ciyooba cintucimwi eco Nce konzya kucita, cita buyo kulyaaba lwangu kuli Nduwe, aku Ku lekelakundi gwisya mu nzila a kubikka Muuya Wako omuya kuti ubeleke. Lino, Taata, mukubona kuti muntu aumwi inga wa cita eco, umwi inga wa cicita, Nda komba kuti umwi umwi wabikka maanza akwe ali umwi aumwi, abo bacisidwe a bapengede, bayo ponese gwa mpaonya buyo a ciindi eci.

224 Akube kuti Muuya Uusalala mulemu wiinde mu buyake ndyoonya lino a kubamba boonse kuba kabotu. Kofutula bantubonse, Mwami. Kopa luzibo luli boobu. Ko tila Muuya Uusalala, Mwami, atala lya bbunga lyabantu eeli. Oh, tula ngilila Nduwe kucita zintu zipati ku mvwiki eyi iiboola. Kocileka buyo kuba boobo, Mwami, ndyoonya lino, mu Zina lya Jesu Kristo.

225 Lino atwi imikile toonse ku matende esu. Sena mula syoma a moyo wanu oonse? Lino Nda libuzya na mucizi wesu, ku piyano okuya, inga wa tupa ii—ii—ii bulile buniini bwa loolu, “Ndiyo Mu Lu mbaizya. Ndiyo Mu Lu mbaizya.” Mwa kalumvwa olo? Lino atu lwiimbe, antoomwe. Lino tuyo langila ku muswaana juunza mangolezya. Lino tula mwaisigwa camulao, mu kaindi

buyo kasyoonto, pele Ndi yanda kwiimba lwiimbo olu a ndinywe.
Yaa, atwe ende.

Ndiyo Mu lumbaizya, (atu tambike maanza
esu) Ndiyo Mu lumbaizya,
Amulumbaizye Kabelele wa kajailwa basizibi;
Amu Mupe bulemu, nyoonse no bantu,
Nkambo Bulowa Bwakwe bwa kasanzya
twiimba toonse.

²²⁶ Atu kotamike mitwe yesu lino ku mupailo wa kumwaika.
Yaa, Mukwesu Jewel Rose uyo otu mwaisya. Leza aku longeze,
Mukwesu Rose, kuciindi notu jisi yesu. . .



Ii CĪKANKAMANISYO TNG65-0117

(A Paradox)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa mu Nsondo masakati, Mukazimaziba 17, 1965, wa Full Gospel Business Men's Fellowship International ku Westward Ho Hotel mu Phoenix, Arizona, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org